

左粹類纂

七

左粹類纂卷之六

吳會 施仁編集

維揚 孫應鰲批點

河東 任養心校閱

賦詩

古有禮會因詩以見志春秋時猶有存者
諸國中惟魯晉鄭爲尤盛風流文雅萃於
一時豈亦有音譜相傳耶有能有不能學
與不學耳不然何六月之賦大明之賦秦
楚能之而慶華齊宋世家反不知相鼠蓼



蕭之誚何也噫後之華慶亦多矣

○魯

○莊叔樂晉饗禮

左傳文公三年

讀

公

文如晉晉侯

襄

饗公賦菁菁者莪

小雅篇取其既見君子樂且有儀之

意

莊叔

叔孫

以公降拜曰

小國受命於大國

敢不慎儀

也

君貺之以大禮

何樂如之抑小國之樂大國之惠也

晉

侯降辭登成拜

公賦嘉樂

大雅篇取其顯顯令

德宜民宜人之意也

穆姜拜勤季文子

左傳成公九年

季文子

父行

如宋致女

禮女嫁三月

父母使人安

復命公

成

享之賦韓奕之五章

大雅篇以喻魯侯有蹶父之

穆

德宋公如韓侯宋土如韓樂

穆

穆

穆

穆

家

姜伯姬出於房再拜曰大夫勤辱不忘先君以及嗣君

施及未亡人婦人夫死自稱未亡人先君猶有望也敢拜大夫之

重勤又賦綠衣之卒章而入綠衣邶風也取其我思古人實獲我心喻文子得已

意

○ ○ 穆叔重拜鹿鳴左傳襄公四年讀

穆叔叔孫豹如晉報知武子荀瑩之聘也晉侯悼享之金奏

肆夏之三周禮以鍾鼓奏九夏其二曰肆夏三曰不拜

工歌文王之三文王大雅之首二曰大明三曰縣又不拜歌鹿鳴之三

鹿鳴小雅之首二曰四牲三曰皇皇者華三拜韓獻子厥使行人子員問之

曰子以君命辱於敝邑先君之禮藉薦之以樂以辱吾

所以自處與所
以教人一一合
覆可謂使矣

侯

子吾子舍其大而重拜其細敢問何禮也對曰三夏天
子所以享元侯也使臣不敢與聞文王兩君相見之樂
也臣不敢及鹿鳴君所以嘉寡君也敢不拜嘉四牡君
所以勞使臣也敢不重拜皇皇者華君告使臣曰必諮
於周忠信臣聞之訪問於善為咨咨親為詢咨禮為度
咨事為誨咨難為謀說詩咨誨咨謀臣獲五善敢不重
拜

季武子承晉徵命

左傳襄公八年

讀

晉范宣子

士

來聘告將用師於鄭

微公

享之

宣子賦

標有梅

召南篇欲魯及
時同討鄭也

季武子

宿

誰敢哉

敢不

今譬

於草木寡君在君君之臭味也言同類歡以承命何時之

有遲速武子賦角弓小雅篇取其兄弟婚姻無相遠之意賓將出武子賦

彤弓小雅篇欲使晉悼繼文之業復授彤弓於王宣子曰城濮之役楚圍宋晉救之

戰于城濮我先君文公獻功于衡雍受彤弓于襄王以為子

孫藏也先君守官之嗣也敢不承命君子以為知

禮

穆叔從晉師濟涇國語

諸侯伐秦晉悼公伐鄭秦人伐晉以救之故及涇莫濟

晉叔向見叔孫穆子豹曰諸侯謂秦不共而討之及涇

而止於秦何益穆子曰豹之業及匏有苦葉矣詩曰濟

有深涉深則厲淺則揭傳曰穆子賦匏有苦葉不知其它言必叔向退召舟虞

掌舟者與司馬掌兵者曰夫苦匏不材於人言不可食共濟而已

可以渡水魯叔孫賦匏有苦葉必將涉矣具舟除隧不共有

法是行也魯人以莒人先濟諸侯從之

○穆叔求援於晉左傳襄公六年

穆叔如晉聘且言齊故齊再伐魯晉人曰以寡君之未禘祀

禘三年喪畢之吉祭時與民之未息新伐許及楚不然不敢

忘魯不救穆叔曰以齊人之朝夕釋憾於敝邑之地是以

大請請於晉敝邑之急朝不及夕引領西望曰庶幾乎比

執事之間欲及閒暇之時恐無及也見中行獻子荀賦圻父雅小

後

篇詩人責圻父為王爪牙使百姓受困無所止蓋以諷偃也獻子曰偃知罪矣敢不

從執事以同恤社稷而使魯及此見范宣子士賦鴻鴈

之卒章小雅篇謂魯國憂困嗷然如鴻鴈之失所宣子曰句在此敢使魯

無鳩乎鳩集也

季武子如晉拜師左傳襄公十四年

季武子如晉拜師晉為魯伐齊故宿往謝之晉侯平享之范宣子為

政賦黍苗小雅喻晉憂魯猶夫召公也季武子與再拜稽首曰小國

之仰大國也如百穀之仰膏雨焉若常膏之其天下韓

睦豈惟敝邑賦六月亦小雅以晉悼公比吉甫之匡王國

季武子聘宋左傳襄公二十年

季武子省如宋報向戌之聘也褚師段逆之以受享賦

棠棣之七章以卒謂盡八章以見二宋人重賄之歸復

命公褒享之賦魚麗之卒章小雅篇武子賦此公賦南

山有臺小雅篇喻武子奉武子去所避曰臣不堪也

● 穆叔刺齊慶封左傳襄公二十七八年

齊慶封來聘叔孫豹與慶封食不敬為賦相鼠鄘風取其人而

無儀不亦不知也死何為來奔以盧蒲癸亂故叔孫穆子豹食慶封

慶封汜祭禮食有祭示有所先也穆子不說使工為之

誦茅鴟逸詩刺亦不知既而齊人來讓奔吳居之朱方

之

得簡明

後

穆叔譏宋華定

左傳昭公十二年

宋華定來聘通嗣君也

元公享之為賦蓼蕭燕笑語今

是以有譽處今樂與華定燕語也又曰既見君子為龍為光欲以寵光賓也又曰宜兄宜弟令德壽豈言賓有

令德可以壽樂也又曰和鸞雍雍弗知又不荅賦昭子萬福攸同言欲與賓同福祿也

叔孫曰必亡宴語之不懷寵光之不宜令德之不知同

福之不受將何以在言不久在位越八年與華亥向寧謀作亂元公攻之以南里叛奔楚

姜敬饗宗老國語

公父文伯歌之母欲室文伯饗其宗老而為賦綠衣之

三章即風其三章曰我思古人實獲我心以言古之賢人正其室家之道我心所善也老請守

龜卜室之族師亥聞之曰善哉男女之饗不及宗臣宗

樂前之母文雅如此知禮如此孔子稱其不淫美婦德也

宗

古人忘已不分
彼我各出所能
以事其主如重
耳使狐偃而自
謂不如趙衰之
文要以共成其
主之美耳卒之
荒秦之宴各不
失辭動不失禮
雖惟兼與重耳

室之謀不過宗人謀而不犯不犯禮微而昭矣賦詩詩所
以合意歌所以詠詩也今詩以合室歌以詠之度於法
矣

○晉

子餘善答秦賦國語

讀

秦伯穆將饗公子重公子使子犯狐偃從子犯曰吾不如

衰趙之文也請使衰從乃使子餘衰從秦伯饗公子如

饗國君之禮子餘相如賓卒事秦伯謂其大夫曰為禮

而不終耻也言此為明中不勝貌情貌耻也華而不實

耻也不度而施日將復燕耻也施而不濟耻也耻門不閉

此復與有等焉

不可以封國非此用師則無所矣三子敬乎明日燕

秦伯賦采菽小雅篇王賜諸侯命服之樂也子餘使公子降拜秦伯降

辭子餘曰君以天子之命服命重耳重耳敢有安志敢

不降拜成拜卒登子餘使公子賦黍苗小雅篇言召伯

也子餘曰重耳之叩君也若黍苗之叩陰雨也若君實

庇蔭膏澤之使能成嘉穀薦在宗廟君之力也君若昭

先君之榮東行濟河整師以復疆周室重耳之望也重

耳若獲集德而歸載祀使主晉民成封國其何實不從

君若恣志以用重耳四方諸侯其誰不惕惕以從君命

秦伯嘆曰是子將有焉豈專在寡人乎秦伯賦鳩飛小雅

言念晉先君及穆姬不寐公子賦河水逸詩也取朝宗于海以尊秦也

秦伯賦六月小雅篇言尹吉甫佐宣王北伐子餘使公

子降拜秦伯降辭子餘曰君稱所以佐天子匡王國者

以命重耳重耳敢有惰心敢不從聽

齊鄭求釋衛侯左傳襄公二十六年

衛侯獻如晉晉人執之為孫林父屢齊侯景鄭伯簡為

衛侯故如晉晉侯平兼享之晉侯賦嘉樂大雅篇取顯

宜國景子弱相齊侯賦蓼蕭小雅篇言太平澤及遠若

及諸子展相鄭伯賦緇衣鄭風取適子之館兮還予授

叔向命晉侯拜二君曰寡君敢拜齊君之安我先君之

國子子展先之所賦以歆其心後之所賦以明其義故晉侯拜

侯

平先而歸衛侯
平後也

宗祧也文法敢拜鄭君之不貳也國子使晏平仲私於叔向

曰晉君宣其明德於諸侯恤其患而補其闕正其違而

治其煩所以為盟主也今為臣執君若之何叔向告趙

文子

武

文子以告晉侯晉侯言衛侯之罪

以殺晉戌三百人

使

叔向告二君國子賦轡之柔矣

逸詩取寬政以安諸侯若柔轡之御剛馬

子

展賦將仲子兮

鄭風義取眾言可畏

晉侯乃許歸衛侯

叔向稱楚遠罷

左傳襄公二十七年

楚遠罷如晉蒞盟晉侯

平享之將出賦既醉

大雅篇比晉侯於太

平君

叔向曰遠氏之有後於楚國也宜哉承君命不忘

敏子蕩

罷

將知政矣敏以事君必能養民政其焉往

韓宣子歷聘左傳昭公二年

晉侯

平

使韓宣子

起

來聘觀書於大史氏見易象與魯

春秋曰周禮盡在魯矣吾乃今知周公之德與周所以

王也

昭

享之季武子

宿

賦縣之卒章

大雅篇以晉侯

比文王以韓子

臣比四

韓子賦角弓

小雅篇言兄弟之國宜相親

季武子拜曰敢拜子

之彌縫敝邑寡君有望矣武子賦節之卒章

小雅篇言晉德可以

邦畜萬

既享宴于季氏有嘉樹焉宣子譽之武子曰宿敢

不封殖此樹以無忘角弓遂賦甘棠

召南蓋以宣子比召公

宣子

曰起不堪也無以及召公宣子遂如齊納幣為平公見

子雅子雅召子旗

雅之

使見宣子宣子曰非保家之主

家

善于辭禮

也不臣

志氣驕亢

見子尾子尾見疆

見宣子

宣子謂之如

子旗

亦不

大夫多笑之唯晏子信之曰夫子君子也君

子有信其有以知之矣自齊聘於衛衛侯

襄享之北宮

文子賦淇澳

衛風北宣子於武公

宣子賦木瓜

衛風義取欲厚報以為好

○衛

○ 甯武子不輕荅賦

左傳文公二年

讀

甯武子

俞

來聘

魯

公

與之宴為賦湛露及彤弓

皆小雅篇

不辭又不荅賦

魯失所賦辭之則彰其失荅之則當其寵

使行人私焉對曰

臣以為肄業及之也

偶及此初不為我也

昔諸侯朝正

於王王宴樂之於是乎賦湛露則天子當陽諸侯用命

宗

也諸侯敵王所愾而獻其功王於是乎賜之彤弓一彤
矢百茲弓矢千以覺明報宴今陪臣來繼舊好君辱貺
之其敢干大禮以自取戾

○鄭

七子賦詩觀志

左傳襄公二十十年

鄭伯簡

享趙孟

武

于垂隴子展伯有子西子產子太叔

二子石從趙孟曰七子從君以寵武也請皆賦以卒君

貺武亦以觀七子之志子展賦草蟲

召南篇謂趙孟為君子

趙孟

曰善哉民之主也抑武也不足以當之伯有賦鵲之音

鄭

鄭風義取人之無良我以爲兄我以爲君也

趙孟曰牀第

簀

之言不

况在野乎。非使人之所得聞也。以其子西賦黍苗之四

章。比趙孟趙孟曰：寡君在武，何能焉？子產賦隰桑。小雅

取思見君子趙孟曰：武請受其卒章。欲子產子大叔賦

野有蔓草。鄭風取其趙孟曰：吾子之惠也。印段賦蟋蟀。

唐風取好樂無荒良趙孟曰：善哉！保家之主也。吾有望

矣。公孫段賦桑扈。小雅篇取君子有禮趙孟曰：匪交匪

敖，福將焉往？桑扈若保是言也。欲辭福祿得乎？卒享文

子告叔向曰：伯有將為戮矣。詩以言志，志誣其上，而公

怨之。鄭伯未有淫亂之實，而以為賓榮。趙孟倡賦詩，其

能父乎？幸而後亡。叔向曰：然已侈，所謂不及五稔者，越

武詩

年伯有為子祈自駟帶所殺夫子之謂矣文子曰其餘皆數世之主也

子展其後亡者也謂賦蟋蟀曰在上不忘降謂賦草蟲曰印氏其次

也樂而不荒謂賦蟋蟀曰樂以安民不淫以使之後亡

不亦可乎

簡公享使臣左傳昭公元年

趙孟叔孫豹曹大夫入於鄭鄭伯簡兼享之子皮戒趙

孟戒享禮終趙孟賦瓠葉小雅義取古人子皮遂戒穆

叔豹且告之穆叔曰趙孟欲一獻子其從之子皮曰敢

乎穆叔曰夫人之所欲也又何不敢及享具五獻之邊

豆於幕下朝聘之制大趙孟辭以非私於子產曰武請

於家宰矣

謂賦

乃用一獻

趙孟為客禮終乃宴

卿會公

皆折俎

穆叔賦鵲巢

召南言鵲有巢而鳩居

趙孟曰武

不堪也

又賦采芣

召南義取薄物可以薦公侯享其信也

曰小國為繫大

國省穡

愛

而用之其何實非命

命從

子皮賦野有死麇之

卒章

召南以喻趙孟以義撫諸侯無以非禮相加

趙孟賦棠棣

小雅言欲親兄弟之國

且曰吾兄弟比以安尤也可使無吠

受子皮之詩

穆叔子皮

及曹大夫與拜舉兕爵

兕爵所以罰不敬舉此以免罰為義

曰小國賴子

知免於戾矣

六卿餞晉韓宣子

左傳昭公十六年

鄭六卿餞宣子於郊

晉韓起聘鄭歸

宣子曰二三君子請皆賦

起亦以知鄭志子齏賦野有蔓草
取邂逅宣子曰孺子

善哉吾有望矣子產賦鄭之羔裘
取其舍命不渝邦宣

子曰起不堪也子太叔賦褰裳
言宣子思已將有褰裳之志如不我思亦豈無

他宣子曰起在此敢勤子至於他人乎子太叔拜宣子

曰善哉子之言是不有是事相警其能終乎子游賦風

雨取其既見君子旗賦有女同車取其詢美且都子柳

賦擢兮取其倡予和女言宣宣子喜曰鄭其庶乎二三

君子以君命貺起賦不出鄭志六詩皆皆昵燕好也二

三君子數世之主也可以無懼矣宣子皆獻馬焉而賦

我將周頌以言志在子產拜使五卿皆拜曰吾子靖亂

靖亂

靖亂

靖亂

靖亂

靖亂

靖亂

靖亂

靖亂

靖亂

靖亂

靖亂

敢不拜德按號之會楚圍賦大明以自光大趙孟賦小宛以戒之具十一卷叔向料楚圍向之會戎子以晉信諛而賦青蠅具四卷戎子不屈於晉申包胥之乞秦師也哀公爲之賦無衣以示同仇具四卷申包胥乞秦師如此類者皆不復贅其他寂寥短章者亦多不錄

盟載

盟夏未之前聞也自周有之世道降矣且春秋之盟亦煩矣而其載不盡傳常也今讀其僅存者一則曰有渝此盟明神殛之二則曰或間茲命明神殛之何人不自信而相懼以神哉人心佻矣於戲君臣而兩猜焉夷夏而狎主焉兄弟而恫疑恐喝焉

此豈細故而可習為常哉是故經世者欲變周制

○周

王子虎盟諸侯于踐土 左傳僖公二十八年

晉作王宮于踐土 晉文公敗楚于城濮 襄王下勞故作宮 獻楚俘于王王

命尹氏及王子虎內史叔興父策命晉侯為侯伯王子

虎盟諸侯于王庭要言曰 按祝佗語萇弘曰踐土之盟 載書云王若曰晉重魯申衛

武蔡甲午鄭捷齊 潘宋王臣莒期 皆獎王室無相害也有渝此盟明神

殛之俾隊其師 衆 無克胙國及其玄孫無有老幼

○魯

晉文據楚不朝 於京師獻楚俘 以警衆乃坐使 天子下臨主盟 進位侯伯後世 賜者事豈有殊

左

季武子盟臧孫紇斬關

左傳襄公二十三年

孟孫惡臧孫

仲孫速與臧孫紇不相得

孟孫卒

少子

孟氏閉門告於

季孫

宿

曰臧氏將為亂不使我葬季孫不信臧孫聞之

戒

為兵備

孟氏將辟藉除於臧氏

借人以治墓道

臧孫使正夫

遂

助之除於東門甲從已而視之

臧紇畏孟氏以甲士從往視作者

孟

氏又告季孫季孫怒命攻臧氏臧紇斬鹿門之關以奔

邾自邾如防

私邑

使來告曰紇非能害也知不足也

謂使甲從

非敢私請

言為先人

苟守先祀無廢二勲

文仲叔宣

敢不辟邑

去避

乃立臧氏

以後

臧紇致防而奔齊其人

從者

曰其盟我乎

盟諸大夫

臧孫曰無辭將盟臧氏季孫召外史掌惡臣

左

左

左

左

凡國亡臣
外史掌之

而問盟首焉對曰盟東門氏也曰母或如東

門遂不聽公命殺適立庶

文公命立公子惡仲遂殺之立宣公接

盟叔孫

氏也曰母或如叔孫僑如欲廢國常蕩覆公室

諸成公與季孫

行父於晉晉辭公于平丘執行父于茗丘

季孫曰臧孫之罪皆不及此子椒

曰盍以其犯門斬關季孫用之乃盟臧氏曰無或如臧

孫紇于國之紀犯門斬關臧孫聞之曰國有人焉誰居

其孟椒乎

臧昭伯盟從昭公者

左傳昭公二十五年

公孫于齊

昭公伐季孫意如不勝而奔

次于陽州臧昭伯率從者將

盟載書曰戮力壹心好惡同之信罪之有無

以明處者有罪從者

卷之

無繾綣從公無通外內外言不入內言不出以公命示子家子

子家子曰如此吾不可以盟羈也不佞才不能與二三

子同心而以爲皆有罪從者陷君留者逐君或欲通內外求解且

欲去君偽負罪以奔二三子好亡而惡定焉可同也陷君於

難罪孰大焉通外內而去君君將速入弗通何爲而何

守焉乃不與盟

孔子抗齊人盟左傳定公十年

公會齊侯于夾谷魯及齊平齊景公欲以萊兵劫魯將定公孔子相禮奉公退而却萊兵將

盟微者共終盟事齊人加于載書曰齊師出竟而不以甲車三

百乘從我者有如此盟孔丘使茲無還夫大揖對曰而不

反我汶陽之田吾以共命者亦如之

○晉

士燮盟楚于宋

左傳成公十二年

宋華元合晉楚之成

晉楚頻年爭鄭汜之役晉獲楚鍾儀既而歸之使求成楚使公子辰

請之晉使糴茂報之宋華元與晉欒書楚公子嬰齊相善聞晉楚修成遂如兩國以合成晉士燮會

楚公子罷許偃盟于宋西門之外曰凡晉楚無相加戎

好惡同之

享其利任其患

同恤菑危備救凶患若有害楚則晉

伐之在晉楚亦如之交贄往來道路無壅謀其不協而

討不庭有渝此盟明神殛之俾隊其師無克胙國鄭伯

成如晉聽成

左

晉鄭同盟于戲

左傳襄公九年

讀

諸侯伐鄭

鄭從楚晉悼公合諸侯伐之

鄭人行成同盟于戲

用荀將

盟鄭六卿公子駢公子發公子嘉公子輒公子蔓公孫

舍之及其大夫門子

卿之皆從鄭伯簡

晉士莊子

弱為

載書曰自今日既盟之後鄭國而不唯晉命是聽而或

有異志者有如此盟公子駢趨進曰天禍鄭國使介居

二大國之間大國不加德音而亂以要之

恃兵

使其鬼

神不獲歆其禋祀其民人不獲享其土利夫婦辛苦墊

隘無所底告自今日既盟之後鄭國而不唯有禮與疆

可以庇民者是從而敢有異志者亦如之荀偃曰改載

武子之言似知
自反者

書公孫舍之曰昭大神要言焉若可改也大國亦可叛
也知武子荀謂獻子偃曰我實不德而要人以盟豈禮
也哉非禮何以主盟姑盟而退脩德息師而來終必獲
鄭何必今日我之不德民將棄我豈唯鄭若能休和遠
人將至何恃於鄭乃盟而還

晉鄭同盟于亳

左傳襄公十一年

諸侯伐鄭

晉悼公再
駕之師

鄭人行成同盟于亳載書曰凡我

同盟毋蘊年毋壅利毋保茲毋留慝救災患恤禍亂同

好惡獎王室或間茲命司慎司盟天名山名川羣神羣

祀

任祀

先王

如宋祖帝乙鄭

先公

始封七姓十二國之

與者

祀厲王之類

君

家

祖晉魯衛鄭曹滕姬姓邾小邾曹姓宋子姓明神歷之

俾失其民隊命亡氏踣其國家

○衛

○衛武子盟衛人于宛濮左傳僖公二十八年

晉人復衛侯晉文公伐衛衛成公請盟弗許衛人出君于襄牛以說於晉遂奔楚至是聽其歸

衛武子俞與衛人盟于宛濮曰天禍衛國君臣不協成

欲與楚國人以及此憂也謂出今天誘其衷使皆降心

以相從也不有居者誰守社稷不有行者誰扞牧圉不

協之故恐居者行者用昭乞盟于爾大神以誘天衷自

今日以往既盟之後行者無保其力居者無懼其罪有

渝此盟以相及也明神先君是糾是極國人聞此盟也而後不貳

○齊

晏子易慶封載書

左傳襄公二十五年

靈公生景公崔杼立而相之

弒莊公立其弟景公

慶封為左相盟

國人於大宮

廟大公

曰所不與崔慶者晏子仰天嘆曰

讀書

未終而晏子易其辭

嬰所不唯忠於君利社稷者是與有如上帝

乃軟

按清丘之盟曰恤病討貳溴梁之盟曰同討不庭亦有誓辭如重耳及河曰所不與舅氏同心者有

如白水秦康公歸士會曰所不歸爾帑者有如河士句撫荀偃尸曰所不嗣事於齊者有如河此類約辭悉不

錄

諛誦隱語

康衢有諛擊壤有歌唐之世則然也是故
風聽臚言於市問謗譽於路省方者唯此
之務焉驪山興尸自槩箕也乾侯客死應
鸛鶴也彼童子何知而如響一至此哉夫
民亦可畏矣天之視聽在民亦微矣然則
城濮之誦不惜聽之澤門之謗務爲分之
者其知此也夫

○周

槩弧箕服諛鄭國語

宣王之時有童謡曰厭弧箕服

山桑曰厭弧弓也箕木名服失房也

實亡

周國於是宣王聞之有夫婦鬻是器者王使執而戮之

夏之衰也褒人之神化爲二龍以同于王庭

共處也

而言

曰余褒之二君也夏后卜殺之與去之與止之莫吉卜

請其粢

沫

而藏之吉乃布幣焉而策告之龍亡而粢在

櫝而藏之殷周莫之發也及厲王之末發而觀之粢流

於庭不可除也王使婦人不幃

爰正幃曰幃

而謀之化爲玄

龜以入于王府府之童妾未旣

亂齒未盡

而遭之旣笄而

孕當宣王而生不夫而育故懼而棄之爲弧服者方戮

在路夫婦哀其夜號也而取之以逃於褒褒人褒姒有

獄而以入于王幽王遂置之赦而嬖是女也使為后而

生伯服王欲殺太子宜咎申以成伯服伯服立太子求后所生

之申申人弗界王伐申申繒繒申之與西戎會以伐周與國

殺幽王於驪山下

○魯

朱儒誦左傳襄公四年

邾人莒人伐鄆臧紇救鄆敗於狐駘地國人誦之曰臧

之狐裘時衣敗我於狐駘我君小子謂襄公朱儒是使幼弱

紇短小故朱儒朱儒使我敗于邾號朱儒

費人歌左傳昭公十二年

南蒯之將叛也其鄉人或知之過之而歎且言曰恤恤

乎憂患貌秋乎愁隘貌攸乎懸危貌深思而淺謀適身而遠志

家臣而君圖有人矣哉將適費飲鄉人酒鄉人或歌之

曰我有圃生之杞乎非其宜從我者子乎謂不失美稱去我者

鄙乎謂為人所鄙倍其鄰者耻乎謂叛親必辱已乎已乎非吾黨

之士乎

鸛鵒左傳昭公二十五年

昭公二十五年有鸛鵒來巢師已曰異哉吾聞文武之

世童謡有之曰鸛之鵒之公出辱之謂昭公失國鸛鵒之羽

公在外野往饋之馬意如每歲買馬饋之鸛鵒跕跕跕行貌公在乾

侯徵褰與襦每歲歸從鵲之衣履鵲之巢遂哉遙遙桐父喪勞

謂昭公客死宋父以驕謂定公代立鵲鵲往歌來

哭生出童諶有是今鵲鵲來巢其將及乎公伐季氏是

秋叔孫氏司馬孟氏懿伐公徒公孫于齊齊景公為取

年公如晉在乾侯凡三平子如意每歲賈馬具從者之衣

屨而歸之公薨于乾侯公子宋即位

○晉

取號左傳僖公五年

晉侯獻圍上陽號問於卜偃曰吾其濟乎對曰克之公

曰何時對曰童諶云丙之晨朔龍尾伏辰日月會於尾

玄

匹夫崇賄尚災
其身安有惠公
而不敗者

與人誦詞與古
銅達

均服振振戎事上下同取號之旅鶉之賁賁火星見於南方其狀

賁賁然天策焯焯天策傳說星也近火中成軍鶉火正中

號公其奔已上皆其九月十月之交乎謂夏丙子旦日

在尾月在策鶉火中必是時也冬十二月丙子朔時獻

年十二滅號號公醜奔京師

背賂誦國語

惠公入而背内外之賂惠公夷吾求納許秦以河外列

許不鄭以負葵之田七城五許里克以汾陽之田百萬與人誦之曰佞之見佞果喪其

田謂里不詐之見詐果喪其賂謂秦之得國而狃快終

逢其咎謂惠喪田不懲禍亂其興謂不鄭復欲與既里

不死為惠公所殺

公隕于韓

戰于韓原為秦所獲

郭偃曰善哉夫眾口

禍福之門也是以君子省眾而動監戒而謀謀度而行

故無不濟內謀外度考省不倦日考而習省察而習行之戒備

畢矣

改葬共世子誦

國語

惠公即位出其世子

生申

而改葬之臭達於外

惠公烝於獻公夫人

賈君故申生臭達于外不欲為無禮者所葬也

國人誦之曰貞之無報也

貞正也謂

惠公欲以正禮改葬共世子而不獲吉報也

孰是人斯而有是臭也

言誰使世子有

如此之臭蓋指

貞為不聽以正葬之

信為不誠

信心行

誠也

國斯無刑偷居幸生不更厥貞大命其傾威兮懷兮

重耳為國人所
戴如此

謂惠公各聚爾有所以待所歸兮猗兮違兮心之哀兮

言民心欲去安歲之二七其靡有微兮言十四歲後無有微者亦亡謂

懷公圉也秦納文公若翟公子吾是之依兮重耳時在翟故云翟

使殺懷公于高粱公鎮撫國家為王妃兮當為霸郭偃曰甚哉善之難也

君改葬共君以為榮也而惡滋章夫人美於中必播於

外而越於民民實戴之惡亦如之故行不可不慎也必

或知之善惡必為人所知十四年君之冢嗣其替乎其數七告

於民矣公子重耳其入乎其形兆於民矣若入必伯

諸侯以見天子其耿光於民矣數言之紀也鬼意之術

也光明之耀也紀言以敘之述意以導之明耀以炤之

讀

讀

以子產為政尚
致頌於三年之

不至何待欲先導者行乎將至矣

城濮與人誦

左傳僖公二十八年

晉侯

文

次于城濮

將與楚戰

楚師背鄆而舍

負險

晉侯患之聽

輿人之誦曰原田每每

喻晉君美盛若原田之草每每然

舍其舊而新

是謀

可建新功不足以念楚之舊惠蓋以文公退三舍以報之故云

公疑焉

疑眾

子犯

曰戰也戰而捷必得諸侯若其不捷表裏山河必無害

也

及戰果敗楚師食其穀三日

○鄭

○輿人子產誦

左傳襄公三十年

子產從政一年輿人誦之曰取我衣冠而褚之

褚藏也奢侈者

後後人欲速不
遲又何尤也以
子產為政尚致
怨於一年之前
後人輕才數易
又何尤也

畏法兼并者失取我田疇而伍之志故云孰殺子產吾其與之

助及三年又誦之曰我有子弟子產誨之我有田疇子

產殖之子產而死誰其嗣之我政

○宋

城者謳左傳宣公二年

宋城華元為植主巡功城者謳曰睥其目蟠其腹謂華元目

大腹棄甲而復謂元與鄭戰大棘見獲而逃歸于思于思謂華元多髮棄甲

復來使其驂乘謂之曰牛則有皮犀兕尚多棄甲則那

言牛與犀兕之皮皆可為甲棄之何害彼人曰從其有皮丹漆若何丹而

漆之使華元曰去之夫指役其口衆我寡

益堅固

築者歌

左傳襄公十七年

皇國父爲大宰爲平公公采臺妨於農收子罕請俟農功

之畢公弗許築者謳曰澤門之皙

皙白也言國父實與

實興

我役邑中之黔

黔黑也言子罕實慰我心子罕聞之親執

實慰我心子罕聞之親執

朴以行築者而扶其不勉者曰吾儕小人皆有闔廬

以辟燥濕寒暑今君爲一臺而不速成何以爲役謳者

乃止或問其故子罕曰宋國區區而有詛有祝禍之本

也

野人歌

左傳定公十四年

衛侯

靈

爲夫人南子召宋朝

宋公子朝舊通于南子故公召之

大子蒯

贖過宋野野人歌之曰既定爾婁猪

求子豕也
得牡則定

盍歸吾

宋 壯
朝 豕
喻

大子羞之

於是欲殺南子而不果遂奔

○齊

萊人歌

左傳哀公五年

疾使國惠子

高昭子

立荼寘羣公子於萊公

卒公子嘉公子駒公子黔奔衛公子鉏公子陽生來奔

萊人歌之曰景公死乎不與埋三軍之事乎不與謀師

也師衆

黨所也之往也言
往何所哀之也

10

附

車中不得明言故爲隱語

楚申叔展救蕭大夫

左傳宣公十二年

楚子

莊

伐蕭申公巫臣曰師人多寒王巡三軍拊而勉

之三軍之士皆如挾纊遂傳於蕭

刑其城

還無社與司馬

卯言號申叔展

蕭大夫還無社素識楚申叔展故因卯以呼之

叔展曰有麥麴

乎曰無有山鞠窮乎曰無

麥麴鞠窮所以禦濕蓋欲使無社逃水中無社不解其意

河魚腹疾柰何

叔展乃問既無禦濕藥如有水患何

曰目於簪井而拯之

無社意始解欲入廢井使救之

若為茅經哭井則已

叔展又教無社結茅以表井湏哭以

為信

明日蕭潰申叔視其井則茅經存焉號而出之

吳申叔儀乞糧

左傳哀公十三年

吳申叔儀乞糧於公孫有山氏

魯大夫

曰佩玉纁兮余無

所繫之

言上之人服飾

旨酒一盛兮余與褐之父昵之

一盛一器也言上有旨酒而我與賤人俱不得飲

對曰梁則無已

精

麤則有之

者若登首山以呼

軍中不得出糧

曰庚癸乎

庚西方主穀癸北方

主則諾

諾其請而與之

左粹類纂卷之六終

左粹類纂卷之七

吳會 施仁 編集

維揚 孫應鰲 批點

河東 任養心 校閱

謀畧

好謀而成者與之行師聖人固貴謀也國
可以無謀臣哉無扞采樵屈瑕之所以勝
絞也三分四軍知瑩之所以駕楚也鄢陵
宵遁子反醉也械林遷延欒黶不用命也
先濟之鼓志不定也舟中之指軍無律也

○陰

○魯

敖前七覆備有先也。然則斯謀斯猷也庸
忽之哉。若彼毒胙而申生縊逆尸而夏姬
行竭粟而昭公弑其事則皆三綱所繫尤
可為永鑒也已。

曹劌敗齊師

左傳莊公十年

齊師伐我

桓公以魯納子糾故

公

莊將戰曹劌請見其鄉人曰肉

食者謀之又何間焉

與其謀

劌曰肉食者鄙未能遠謀乃

入見問何以戰公曰衣食所安弗敢專也必以分人對

曰小惠未徧民弗從也公曰犧牲玉帛弗敢加也必以

雖係詐謀之術
然亦戰陣之機

信無虛祝

對曰小信未孚神弗福也公曰大小之獄雖不

能察必以情對曰忠之屬也

忠之一端可以一戰上思利民則民思報

之戰則請從公與之乘

共載兵車戰于長勺公將鼓之劇曰

未可齊人三鼓劇曰可矣齊師敗績公將馳之劇曰未

可下視其轍登軾而望之曰可矣遂逐齊師既克公問

其故對曰夫戰勇氣也一鼓作氣再而衰三而竭彼竭

我盈故克之夫大國難測也懼有伏焉吾視其轍亂望

其旗靡故逐之

胡氏曰善為國者不師善師者不陳善陣者不戰故行使則有文告之詞而疆

揚則有守禦之備至於善陣德已衰矣而況兵刃相接又以詐謀取勝乎

公子偃敗宋師

左傳莊公十年

齊師宋師次于郎

魯敗齊於長勺又侵宋故來報

公子偃曰宋師不整

可敗也宋敗齊必還請擊之公弗許自雩門竊出蒙臯

比以虎皮蒙馬

而先犯之公從之大敗宋師于乘丘齊師乃

還劉氏曰齊宋輕用其衆以徑人之國罪也魯人誠能不用詐謀推忠信奉辭令齊宋去矣其所以弭患止

亂安國便民不益堅且久耶偷得一時之捷而忘長世之慮此小人鬻於勇畝於禍之咎

季友鳩叔牙

左傳莊公三十二年

莊

疾問後於叔牙對曰慶父材問於季友

友與叔牙慶父皆桓

公對曰臣以使奉般莊公

公曰鄉者牙曰慶父材成季

使以君命命偃叔牙

待于鍼巫氏使鍼季醖之曰飲此

則有後於魯國不然死且無後飲之歸及達泉而卒立

武叔牙雖殺無補後日閔公之禍恐不然文姜以來胎養亂本至此已成使牙不謀則莊公豈慶父叔牙

之忠秉體之俗
亦不能為故誅
牙乃魯之所以
存亡與慶父成
敗所係大義滅
親稱君以殺春
秋所以不貶之

叔孫氏公薨于路寢子般即位次于黨氏其仲父使圉
人犂賊子般成季奔陳呂氏曰慶父叔牙一體也季氏
誅叔牙而置慶父何耶借曰不
忍一朝而尸二昆蓋亦有之遠竄之裔土則君臣兄弟
之間豈不兩全哉一失此機及子般之禍奉頭鼠竄之
不暇非所謂當斷不
斷反受其亂者耶

孟獻子請薦賄於楚左傳宣公十四年

楚子圍宋莊王使申舟聘齊不假
道于宋宋殺申舟聞之孟獻子蔑言於公宣

曰臣聞小國之免於大國也聘而獻物於是有庭實旅

百百品朝而獻功於是有容貌采章玄纁璣組羽
毛齒革之類嘉淑而

有加貨若有喜慶
則又加物謀其不免也責而薦賄則無及也

今楚在宋君其圖之公說公孫歸父會楚子于宋公使
聘之

胡氏曰楚子不假道於宋以啟釁端而圍之陵蔑中華甚矣諸侯縱不能畏簡書懷夷狄存先代之後嚴兵固圍以為聲援猶之可也乃以周公之裔千乘之國謀其不免至於薦賄不亦鄙乎

臧武仲辟齊禍

左傳襄公二十三年

請

齊侯

莊

將為臧紇田

紇以孟孫之譖季孫之攻斬闢奔邾求為後於魯魯既立臧為紇乃

致防

臧孫聞之見齊侯與之言伐晉

誇

對曰多

戰功則

多矣抑君似鼠夫鼠晝伏夜動不宐於寢廟畏人故也

今君聞晉之亂

欒盈之叛

而後作焉寧將事之

晉若安又

非

鼠何如乃弗與田

武仲知齊侯將敗不欲受其田故激其怒而止

仲尼曰知之

難也有臧武仲之知而不容於魯國抑有由也作不順

而施不怨也夏書曰念茲在茲順事怨施也

無齊將敗不受其田故孔子以智稱之

侯

冶區夫謀克費

左傳昭公十三年

南蒯以費叛如齊

以意如叔弓圍費弗克敗焉

反為平

所敗

子

如意

怒令見費人執之以為囚俘冶區夫曰非也若見

費人寒者衣之饑者食之為之令主而共其乏困費來

如歸南氏亡矣民將叛之誰與居邑若憚之以威懼之

以怒民疾而叛為之聚也若諸侯皆然

皆劫以威

費人無歸

不親南氏將焉入矣平子從之費人叛南氏

圉人殺公若

左傳定公十年

叔孫成子

不敢

欲立武叔

仇州

公若藐固諫曰不可成子立

之而卒公南

武叔之黨

使賊射之不能殺公南為馬正使公

若為郈宰武叔既定

定卿位

使郈馬正侯犯殺公若弗能

其圉人曰吾以劍過朝公若必曰誰之劍也吾稱子以

告必觀之吾偽固而授之末

詐為固陋不知禮而以劍末授之

則可殺

也使如之

如其計

公若曰爾欲吳王我乎

鮑設諸殺吳王亦用劍

遂

殺公若

駟赤出侯犯

左傳定公十年

侯犯以郈叛

武叔使侯犯殺公若犯不副命故叛

武叔

州仇懿子

何圍

郈弗

克叔孫謂郈工師駟赤曰郈非惟叔孫氏之憂社稷之

患也將若之何對曰臣之業在揚水卒章之四言矣

詩曰

我聞

叔孫稽首

謝其受命

駟赤謂侯犯曰居齊魯之際而無

事

既叛魯又
不事齊

必不可矣子盍求事於齊以臨民不然將

叛侯犯從之齊使至駟赤與郈人爲之宣言於郈中曰

侯犯將以郈易于齊齊人將遷郈民衆兇懼駟赤謂侯

犯曰衆言異矣子不如易於齊與其死也猶是郈也而

得紓焉何必此

言以郈民易取齊人與郈無異勝於守郈爲叛人所殺

齊人欲以

此偪魯必倍與子地且盍多舍甲於子之門以備不虞

侯犯曰諾乃多舍甲焉侯犯請易於齊齊有司觀郈

覘

實將至駟赤使周走呼曰齊師至矣郈人大駭介

因侯

犯之門甲以圍侯犯駟赤將射之

僞爲侯犯射郈人

侯犯止之

曰謀免我侯犯請行許之駟赤先如宿

邑

侯犯殿

在每

出一門郈人閉之及郭門止之曰子以叔孫氏之甲出

有司若誅之

責其數

羣臣懼死駟赤曰叔孫氏之甲有物

自有識別

吾未敢以出犯謂駟赤曰子止

留此

而與之數

數甲以栢

駟赤止而納魯人

還圍郈之師

侯犯奔齊齊人乃致郈

致其

名簿於魯

○晉

士蔣欲多號惡

左傳莊公二十七年

晉侯

獻

將伐虢

虢再侵晉故

士蔣曰不可號公驕若驟得勝

於我必棄其民無衆而後伐之欲禦我誰與夫禮樂慈

愛戰所畜也

教民有素而後可戰

夫民讓事樂和愛親哀喪而後

五口

可用也。號弗畜也。亟戰將饑。言號不畜民而力戰軍於

之伐

荀息假虞伐號

左傳僖公二年

讀

荀息請以屈產之乘

馬

與垂棘之璧假道於虞以伐號

公獻

曰是吾寶也對曰若得道於虞猶外府也

按穀梁傳曰息

曰如受而借吾道則是我取之中府而藏之外府取之中廩而置之外廩也

公曰宮之奇在

焉對曰宮之奇之爲人也懦而不能強諫且少長於君

君暱之雖諫將不聽乃使荀息假道於虞曰冀爲不道

入自顛軫伐鄭三門冀之旣病則亦唯君故

先是冀嘗伐虞故息

爲甘言以悅之

今號爲不道保於逆旅

言號稍遣人分依客舍伺候寇掠

以侵

玩

敝邑之南鄙敢請假道以請罪于虢虞公許之且請先

宮之奇諫不聽遂起師晉里克荀息帥師會虞師伐虢

滅下陽居二年晉復假道於虞以伐虢宮之奇固諫不聽晉滅虢還遂襲虞滅之呂氏曰息以壁馬覆

虞號如反掌世皆以為智以吾觀之亦未得為智也壁馬復歸而坐得兩國工矣驪姬申生之釁近在肘腋曾

不能謀拙孰大焉

驪姬謀立奚齊左傳莊公二十八年

侯

獻公娶于賈無子烝於齊姜武公妾生太子申生又娶二

女於戎大戎狐姬生重耳小戎子生夷吾晉伐驪戎驪

戎男男爵女以驪姬納女以歸生奚齊其姊生卓子驪姬

嬖欲立其子賂外嬖梁五與東關嬖五二嬖大夫皆名五使言

於公曰曲沃君之宗也

桓叔始封於曲沃

蒲與二屈

蒲與二屈皆晉之

疆也

邑外

不可以無主宗邑無主則民不威疆場無主則

啟戎心戎之生心民慢其政國之患也若使大子主曲

沃而重耳夷吾主蒲與屈則可以威民而懼戎且旌君

伐

章其功

使俱曰

庶使晉國之人皆言

狄之廣莫

謂蒲屈

於晉為都晉

之啟土不亦宜乎晉侯說之使大子居曲沃重耳居蒲

城夷吾居屈羣公子皆鄙

使居邊邑

唯二姬之子在絳

晉都二

五卒與驪姬譖羣公子而立奚齊晉人謂之二五耦

為耦以喻墜傷晉室

驪姬謀廢申生

國語

公之優曰施通於驪姬驪姬問焉曰吾欲作大事而難

三公子之徒

謂申生重耳夷吾

如何對曰蚤處之使知其極

之都城而位以卿

夫人知有極鮮有慢心雖其慢乃易殘也驪

姬曰吾欲為難

欲殺

安始而可優施曰必於申生其為

人也小心精潔而大志重又不忍人精潔易辱重價可

疾

速

不忍人必自忍也辱之近行驪姬曰重無乃難遷

乎優施曰知辱可辱可辱遷重

言可辱者雖重必遷

若不知辱亦

必不知

無所知

固秉常矣

固執常謀因罪以去之

今子內固而外寵

內得君心外見寵愛

且善不莫不信

所善所惡皆見信

若外卑善而內辱

之內以不義加辱之

無不遷矣且吾聞之其精必愚精

夜半而泣因愛
方人也

為易辱、愚不知避難、雖欲無遷、其得之乎？是故先施讒
於申生。

優施教驪姬夜半而泣、謂公曰：「吾聞申生甚好仁而強、

甚寬惠而慈於民、皆有所行之術。今謂君惑於我、必亂

國。」夫指太子無乃以國故而行疆於君、恐敗國之故君未

終命而不沒、不令君其若之何？蓋殺我無以一妾亂百

姓。公曰：「夫太子豈惠其民而不惠於其父乎？」驪姬曰：「妾亦

懼矣。吾聞之外人之言曰：『為仁與為國不同。為仁者愛

親之謂仁、為國者利國之謂仁。故長民者無親、無私衆

以為親、苟衆利而百姓和、豈能憚君？」憚殺以衆故不敢

豈惠于民而不
惠于父獻公天
理之言也但驪
姬以深巧至奸
主于內而二五
優施又從而羽
翼之如弓弩畢
戈格削羅落置
深莫不畢具雖

有慧禽智獸安
所逃之

七卷

訓略

愛親言欲殺君以除民害衆况益厚之彼將惡始而美終以晚蓋

者也以後美掩前惡凡民利是生爲民生利殺君而厚利衆衆孰沮

之殺親無惡於人人孰去之苟交利而得寵志行而衆

說欲其甚矣孰不惑焉雖欲愛君惑不釋也今夫以君

爲紂若紂有良子而先喪紂無章其惡而厚其敗釣之

死也無必假手於武王而其世不廢祀至于今吾豈知

紂之善不哉君欲勿恤其可乎若大難至而恤之其何

及矣公懼曰若何而可驪姬曰君盍老而授之政彼得

政而行其欲得其所索乃其釋君且君其圖之自桓叔

以來孰能愛親桓叔殺昭侯於翼莊伯伐翼殺孝侯唯武公滅翼而兼之獻公滅桓莊之族唯

此正獻公之所
以爲獻公而驪
姬深知之故勒
以援政以激之
也

無親故能兼翼公曰不可與政我以武與威是以臨諸
侯未沒而亡政不可謂武有子而不勝不可謂威我授
之政諸侯必絕能絕於我必能害我失政而害國不可
忍也爾勿憂吾將圖之驪姬曰以軻落翟之朝夕苛我
邊鄙使無日以牧田野君之倉廩固不實又恐削封疆
君盍使之伐翟以觀其果於衆也與衆之信輯睦焉若
不勝翟雖濟其臯可也若勝翟則善用衆矣求必益廣
乃可厚圖也且夫勝翟諸侯驚懼吾邊鄙不做倉廩盈
四鄰服封疆信君得其賴又知可不其利多矣君其圖
之公說使申生伐東山敗翟于稷桑而反

至氏叙申生本
未詳盡中間巧
計詐術皆剔括
無遺使人讀之
如在當日

反自稷桑處五年驪姬謂公曰吾聞申生之謀愈深曰
往吾固告君曰得衆衆弗利焉能勝翟今矜翟之善其
志益廣吾聞之申生甚好信而疆又失言於衆矣許衆
國雖欲有退悔衆將責焉言不可食衆不可弭是以深
謀君若不圖難將至矣公曰吾不忘也抑未有以致罪
焉語既與中大夫成謀姬謂太子曰君夢齊姜申生必
速祭之太子祭于曲沃歸胙于公公田姬寘諸宮六日
公至毒而獻之置鴆于酒公祭之地地墳與犬犬斃與
小臣小臣亦斃姬泣曰賊由太子太子奔新城縊於新
真氏曰驪姬之讒申生其機變亦甚巧矣夫父子之情
日相親近則間言不得而入惟以術離之然後譖慝可

○
左

慶曆鋪述有節
足發幽微無有

遺

粹桓既沒楚益
憑陵中國宋襄

施焉故驪姬首賂二五使說獻公出三子于外此離之
之術也獻公者喜功貪得之人闢地啟土正其所欲故
二五因以啖之且為之辭發諸歌詠以動盪其心志公
安得不悅而從之三子既出則圖之易矣既又與優施
謀作難之先後優施知申生之可陷也則請先之然恐
獻公未忍果於殺也則又夜半而泣以危言動之謂申
生有將為逆之意自請先死公懼而謀之則又勸授之
政而避禍焉夫獻公剛猛人也其滅霍魏驪虞諸國以
大其封雖齊桓父主夏盟未嘗一為之屈而肯為其子
屈乎懷怒必殺之心自此啟矣然猶患無隙以加之罪
也則使將兵而伐翟焉勝則加以得衆之名敗
則繩以覆師之罪申生至是無逃死之路矣

○○○文公城濮之捷

左傳僖公二十七年

楚子

成

及諸侯

陳蔡鄭許

圍宋

宋公孫固

如晉告急

先軫曰

報施

文公出亡過宋宋

救患

取威定霸

於是乎在矣

狐

偃曰

楚始得曹

而新昏於衛

若伐曹衛

楚必救之

則齊

楚高之義以敗
敵故晉文特起

救宋之志欲制
強楚曹衛皆華

附夷即侵伐之
然晉又實在於

救宋服楚不在
於侵曹伐衛

為晉文實

一步又一見

非厚宋以激
楚也

宋免矣

楚亦使申叔戌救以偏齊故云

晉侯文侵曹伐衛

侵曹者報觀狀之怨伐衛

者報與塊之怨其曰救宋蓋假公以濟私也

晉侯齊侯

昭

盟于斂孟衛侯

成

請盟晉人弗許衛侯欲與楚國人不欲出其君以說于

晉楚人救衛不克晉侯入曹宋人使門尹般如晉師告

急

楚宋解圍故復來告

公曰宋人告急舍之則絕

不救則與晉絕而歸楚

告

楚不許

今退師而不得

我欲戰矣齊秦未可

不肯助戰

若之何先軫

曰使宋舍我而賂秦齊藉之告楚

計使宋與晉絕而以賂求救于齊秦使告

楚請退師

我執曹君而分曹衛之田以賜宋人

不言執衛君者已出故也

楚愛曹衛必不許也

不從齊喜賂怒頑能無戰乎

言齊

宋之賂怒楚之頑必自與戰

公說執曹伯

其

分曹衛之田以畀宋人

私許曹衛之復
非愛曹衛以激
楚也

計巧而中

子玉

楚大夫得臣

使宛春告於晉師曰請從衛侯而封

衛在

竟故曰復曹

臣亦釋宋之圍子犯曰子玉無禮

見執故曰封

宋取

謂以救宋

臣取二

謂子玉以後曹衛為已功

不可失矣

先軫

先軫

曰子與之

姑且

定人之謂禮楚一言而定三國

謂復衛衛

宋

我一言而亡之我則無禮何以戰乎不許楚言是棄

宋也救而棄之謂諸侯何楚有三施

定三

我有三怨

國怨讐已多將何以戰不如私許曹衛以攜之執宛春

以怒楚既戰而後圖之公說乃拘宛春於衛且私許復

曹衛曹衛告絕于楚子玉怒從晉師晉師退軍吏曰以

君辟臣辱也且楚師老矣何故退子犯曰師直為壯曲

為老豈在父乎微楚之惠不及此退三舍辟之所以報

也初文公出亡過楚楚成王曰若反國何以報我對曰晉楚治兵遇于中原其辟君三舍背惠食

言以亢其讐楚我曲楚直其衆素飽直氣不可謂老我

退而楚還我將何求無可責若其不還君退晉辟臣犯楚

王欲曲在彼矣退三舍楚衆欲止子玉不可晉侯宋公

成齊國歸父崔天秦小子憖次于城濮楚師背鄢而舍

負晉侯患之聽輿人之誦曰原田每每以草之盛舍其

舊而新是謀謀立新功不公疑焉疑衆子犯曰戰也戰

而捷必得諸侯若其不捷表裏山河必無害也公曰若

楚惠何藥貞子枝曰漢陽諸姬楚實盡之思小惠而忘

觀子玉之辭甚驕而不料敵安得不敗但楚子既命無從晉師而子玉不忍私忿固欲與戰楚子雖怒其不可而不能止以強君而不能制一強臣此固狐偃先軫之所以知其必勝也

大耻不如戰也子玉使鬬勃請戰曰請與君之士戲

為戲見子玉君馮軾而觀之得臣與寓目焉晉侯使欒

枝對曰寡君聞命矣楚君之惠未之敢忘是以在此為

大夫退其敢當君乎既不獲命矣不得楚止師之命敢煩大夫

謂二三子煩鬬勃戒飾子玉子西之屬戒爾車乘敬爾君事詰朝將

見晉車七百乘鞶韞鞅鞞驂馬之飾也在背曰鞶在胃曰韞在腹曰鞅在後曰鞞

晉侯登有莘之墟以觀師曰少長有禮其可用也遂伐

其木以益其兵晉師陳於莘北胥臣以下軍之佐當陳

蔡子玉以若敖之六卒將中軍若敖楚之先君子玉之祖也百人為卒此蓋子

玉之親曰今日必無晉矣子西鬬直將左子上鬬將右

兵也

胥臣蒙馬以虎皮先犯陳蔡陳蔡奔楚右師潰狐毛設

二旆而退之使若藥枝使輿曳柴起塵而偽遁楚師馳之

原軫卻溱以中軍公族橫擊之狐毛狐偃以上軍夾攻

子西楚左師潰楚師敗績晉師三日館穀而還呂氏曰

兵曹衛以致楚許復二國以攜楚又拘子玉之使以怒

楚三舍避之示怯以誘楚其詭計如此孔子斷之曰諱

陽處父退楚師左傳僖公三十三年

陽處父侵蔡即楚楚子上鬬救之與晉師夾泚而軍陽

子患之使謂子上曰吾聞之文不犯順武不違敵子若

欲戰則吾退舍子濟而陳欲辟楚使渡遲速惟命不然

得簡盡

紆我謂楚不肯先渡則亦當退舍而緩我使我得渡老師費財亦無益也乃獨

以待子上欲涉大孫伯成大曰不可晉人無信半涉而

薄我悔敗何及不如紆之乃退舍陽子宣言曰楚師遁

矣遂歸楚師亦歸

△趙穿撓史駢之謀左傳文公十二年

秦伯伐晉襄公卒趙盾使先蔑逆公子雍于秦秦康公送雍至晉晉背先蔑而立靈公潛師夜起敗

秦師于令狐故來報晉人禦之于河曲史駢曰秦不能久請深壘

固軍以待之從之秦人欲戰秦伯謂士會時會出奔在秦曰若

何而戰對曰趙氏新出其屬曰史駢駢趙氏屬大夫新出佐上軍必

實為此謀將以老我師也趙有側室曰穿晉君之壻也

有寵而弱不在軍事好勇而狂且惡史駢之佐上軍也

若使輕者肆焉

使輕兵暫往攻之而速退

其可秦軍掩晉上軍趙穿

追之不及反怒曰裒糧坐甲固敵是求敵至不擊將何

俟焉軍吏曰將有待也穿曰我不知謀將獨出乃以其

屬出宣子曰秦獲穿也獲一卿矣秦以勝歸我何以報

乃皆出戰交綏

古名退軍為綏言兩軍纔交戰而遂退

秦行人夜戒晉師

曰兩軍之士皆未愁也

兩無大傷

明日請相見也史駢曰使

者自動而言肆懼我也將遁矣薄諸河必敗之胥甲趙

穿當軍門呼曰死傷未収而棄之不惠也不待期而薄

人於險無勇也乃止秦師夜遁

上

色鮮韻美

○壽餘誘歸士會左傳文公十三年

晉人患秦之用士會也

趙盾使先蔑士會逆公子雍于秦既而背先蔑立靈公故會從

蔑奔秦

六卿相見於諸浮趙宣子

盾曰隨會在秦賈李在

狄

狐射姑殺陽處父奔難

日至矣若之何中行桓子

荀林父

曰請復

賈季詎外事

在外

且由舊勳

射姑之父卻成子

缺

曰賈

季亂且罪大

專殺

不如隨會

能賤而有耻柔而不犯

不可犯

其知足使也且無罪

其奔宣子背之

乃使魏壽餘僞以魏叛者

以誘士會執其帑於晉使夜逸請自歸於秦秦伯

康許

之履士會之足於朝秦伯師于河西魏人在東壽餘曰

請東人之能與夫二三有司言者吾與之先使士會士

上

鄭之後六卿大
夫司馬皆在三
師不欲勦民先
穀違命濟師但
林父既為元帥
法得專制既不
能禁副屬之違
令而專行又不
能督士卒親矢

會辭曰晉人虎狼也若背其言臣死妻子為戮無益於
君不可悔也秦伯曰若背其言所不歸爾帑者有如河
乃行繞朝贈之以策馬曰子無謂秦無人吾謀適不用
也既濟魏人譟而還秦人歸其帑

荀林父知難冒進

左傳宣公十二年

楚子圍鄭

鄭既受楚盟又貳於晉故楚莊怒而圍之既克退三十里而許之平晉師救鄭

及河聞鄭既及楚平桓子

荀林父

欲還曰無及於鄭而勦

民勞焉用之楚歸而動伐不後隨武子

士曰善會聞用

師觀釁而動德刑政事典禮不易不可敵也無不為是

征伐以討罪不楚軍討鄭怒其貳而哀其卑叛而伐之

征伐因此六事

楚軍討鄭怒其貳而哀其卑叛而伐之

石以破敵喪師之罪夫復何辭
吳楚叛亞夫為將以梁王之貴
太后之尊交請於援亞夫謹守
便宜竟平七國
唐六道重兵攻
圍淮蔡日久無
功裴中立監師
雖韓弘亦興疾
督戰遂擒元濟
代宗以九節度
之師圍慶緒不
立主帥一夕而
潰此存亡反覆
之跡也

服而舍之德刑成矣伐叛刑也柔服德也二者立矣

歲入陳討夏徵舒今茲入鄭民不罷勞君無怨讟政有經

荆尸而舉尸楚陣名武王始為此法以戟為陣商農工賈不敗其業而卒

乘輯睦事不奸矣薦教為宰擇楚國之令典軍行右轅

在軍之右者左追蓐在軍之左者使之追求草蓐以為宿備前茅慮無楚

挾轅為戰備以茅為旌幟在前者持之以中權中軍以制權謀後勁以指兵為殿

慮軍中所無預為之備也百官象物而動各象其所建旗物軍政不戒而備能用典矣其

君之舉也內姓選於親外姓選於舊舉不失德賞不失

勞老有加惠旅有施舍不役君子小人物有服章貴有常

尊賤有等威禮不逆矣德立刑行政成事時典從禮順

若之何敵之見可而進知難而退軍之善政也兼弱攻

昧武之善經也子姑整軍而經武乎猶有弱而昧者何

必楚仲虺有言曰取亂侮亡兼弱也洵曰詩於鑠王師

遵養時晦美武王能遵天道須昧者惡積而後取之耆昧也致計武曰詩無

競惟烈言武王成撫弱者昧以務烈所可也言當務從

撫而取之子穀先曰不可晉所以霸師武臣力也今失諸侯

不可謂力有敵而不從不可謂武由我失霸不如死且

成師以出聞敵疆而退非夫也不成命為軍帥而卒以

非夫唯羣子能我弗為也以中軍佐濟知莊子荀曰此

師始哉周易有之在師之臨師卦初六曰師出以律否

朱子曰左傳分
惡事近世士夫
多如此只要徇
人情如荀林父
邲之役先穀違
命而濟乃謂與
其專澤六人同

臧凶執事順成爲臧逆爲否衆散爲弱坎爲衆今變川爲兌兌柔弱

壅爲澤坎爲川今變爲兌兌爲澤是川見壅律以如已也如從也法行則人從法法敗則

法從人坎爲法象今爲衆則散爲故曰律否臧且律竭

也次變兌是法敗盈而以竭天且不整水遇天塞不得所以凶

也不行之謂臨水變澤乃成臨有帥而不從臨孰甚焉

此之謂矣果遇必敗莧子尸之主此雖免而歸必有

咎韓獻子厥謂栢子曰莧子以偏師陷子罪大矣子爲

元帥師不用命誰之罪也失屬謂亡師爲罪已重不如

進也事之不捷惡有所分與其專罪六人同之謂荀林父先穀

士會卻克趙朔藥書不猶愈乎師遂濟楚子將飲馬於河而歸聞

之是何等見識
當弱為林父者
只合按兵不動
犯先穀誅

文尚至極佳

晉師既濟王欲還嬖人伍參欲戰令尹孫叔敖弗欲曰

昔歲入陳今茲入鄭不無事矣戰而不捷參之肉其足

食乎參曰若事之捷孫叔為無謀矣不捷參之肉將在

晉軍可得食乎令尹南轅反旆示欲伍參言於王曰晉

之從政者新未能行令謂荀林父其佐先穀剛愎不仁未肯

用命其三帥者謂荀林父專行不獲不得聽而無上聽

於眾誰適從此行也晉師必敗且君而逃臣謂楚王若

社稷何王病之告令尹敗乘轅而北之次于管以待之

胡氏曰古者仗鉞臨戎專制關外雖軍令有所不受况

其屬乎林父既知無及於鄭焉用之矣諸帥又皆信然
其策先穀若獨以中軍佐濟下令三軍無得妄動按軍
山而行辟夫豈不可既不能令乃謂失屬亡師之罪而

如原

從傳獻子分惡之言知而月述是棄晉師於誰

樂書不輕敵左傳宣公十二年

晉師在敖部之間鄭皇戌使如晉師曰鄭之從楚社稷

之故也未有貳心楚師驟勝而驕其師老矣而不設備

子擊之鄭師為承繼其後楚師必敗彘子曰敗楚服鄭於

此在矣必許之樂武子書曰楚自克庸以來其君無日

不討國人而訓之治民民生之不易禍至之無日戒

懼之不可以怠此訓民之言在軍無日不討軍實而申儆之

治兵亦嘆勝之不可保紂之百克而卒無後此訓兵訓

之以若敖蚡冒皆楚先君筆路柴車藍縷衣以啓山林箴之曰

不能討陳亂已失三綱軍政之不乃欲恃力以爭鄭不知楚惟亂討陳亂則師有名而所以施于言者又各中其節晉以林父之將加以

民生在勤勤則不匱不可謂驕先大夫子犯有言曰師

直為壯曲為老我則不德而徼怨于楚我曲楚直不可

謂老其君之戎分為二廣左廣右廣每廣有車十五乘實有一卒百人

為卒偏之兩周制二十五人為兩楚倍之周一車用士十五人楚則用五百十人右廣初

駕雞鳴而駕數及日中數其時刻左則受之代以至於昏內官序

當其夜以待不虞不可謂無備子良鄭之良也師叔楚

之崇也師叔入盟盟子良在楚為楚鄭親矣來勸我戰

我克則來不克遂往以我卜也鄭不可從趙括趙同曰

率師以來唯敵是求克敵得屬又何俟必從彘子從其請而

知季白原原趙同咎之徒也咎指趙莊子趙莊子則曰

樂伯善哉實其言必長晉國楚少宰如晉師曰寡君少

遭閔凶不能文聞二先君之出入

謂成王穆王伐鄭往返

此行也

將鄭是訓定豈敢求罪於晉二三子

謂晉羣帥

無淹久隨季

對曰昔平王命我先君文侯曰與鄭夾輔周室母廢王

命今鄭不率寡君使羣臣問諸鄭豈敢辱侯人

謂非敵楚敢

拜君命之辱彘子以爲誼使趙括從而更之曰行人失

辭寡君使羣臣遷大國之迹於鄭曰無辟敵羣臣無所

逃命楚子又使求成於晉晉人許之

士會有備不敗

左傳宣公十二年

魏錡求公族

大夫

未得而怒欲敗晉師請致師

挑戰

弗許請

使

報成

許之趙旃求卿未得且怒於失楚之致師者請挑

戰弗許請召盟許之皆命而往

其弗許與命往皆林父主之

卻獻子

克曰二憾往矣弗備必敗彘子曰鄭人勸戰弗敢從也

楚人未成弗能好也師無成命

和戰不決

多備不敗士季

會

曰備之善若二子怒楚楚人乘我喪師無日矣不如備

之楚之無惡除備而盟何損於好若以惡來有備不敗

且雖諸侯相見軍衛不撤

君行警也

彘子不可

不肯

士

季使鞏朔韓穿帥七覆於敖前

兵

潘黨逐魏錡

錡射麋以獻

王逐趙旃

旃棄車走林

晉人懼二子之怒楚師也使輶車逆

之潘黨望其塵使騁而告曰

告

晉師至矣楚人亦懼

楚強行中國鄭
受盟於辰陵然
猶激事於晉及
御之政而楚伐
宋益為橫行莫
得制之矣惜乎
晉之不能養威
而奮謀也

之入晉軍也遂出陳孫叔敖敖曰進之寧我薄人無人薄

我詩云元戎十乘以先啓行先人也軍志曰先人有奪

人之心薄之也遂疾進師車馳卒奔乘晉軍桓子不知

此等舉措豈有紀律

所為鼓於軍中曰先濟者有賞中軍下軍爭舟舟中之

指可掬也晉師右移上軍未動時士會將上軍工尹齊將右拒

卒以逐下軍楚子使潘黨率游闕游軍補闕者四十乘從唐

侯以為左拒以從上軍晉唯上軍不敗故駒伯郤克曰待

諸乎隨季士會曰楚師方壯若萃於我吾師必盡不如收

而去之分謗同生民戰不亦可乎殿其卒而退不敗見

會之

有備

厲公鄢陵之捷 左傳成公十六年

春秋中國勝楚
惟城濮鄢陵然
未有中國諸侯
助楚以伐中國
者惟鄢陵鄭伯
仿楚攻晉使非
自鎬如月之勝
而晉倚鄭為援
則楚之流毒天
下何有紀極

樂言固墨之謀
是也公不能聽
後雖勝之亦天
幸爾

晉楚遇于鄢陵晉伐鄭
楚救之楚晨壓晉軍而陳軍吏患之范

匄趨進曰塞井夷竈陳於軍中而疏行首當陣前決開
營壘為戰道

晉楚唯天所授何患焉文子士
楚執戈逐之
怒其曰國之

存亡天也童子何知焉欒書曰楚師輕窵固壘而待之

三日必退退而擊之必獲勝焉卻至曰楚有六間不可

失也其二卿子子重
子反相惡間一王卒以舊間一鄭陳而不整間三

轡輦而不陳間四陳不違晦間五在陳而囂間六合而加囂各

顧其後莫有闕心舊不必良以犯天忌晦日陳兵
兵家所忌我必

克之苗贄皇自楚奔
晉者言於晉侯厲厲曰楚之良在其中軍

楚師既敗晉益
弱情遂如樂氏
之諸以殺三郤

王族而已請分良以擊其左右而三軍萃於王卒必大
敗之公筮之史曰吉其卦遇復曰南國蹇射其元王中
厥目國蹇王傷不敗何待公從之呂錡魏錡夢射月中之
退入於泥占之曰姬姓日也異姓月也必楚王也射而
中之退入於泥亦必死矣及戰射共王中目王召養由
基與之兩矢使射呂錡中項伏弢以一矢復命子反命
軍吏察夷傷補卒乘繕甲兵展車馬鷄鳴而食唯命是
聽復欲戰晉人患之苗賁皇狗曰蒐乘補卒秣馬利兵修
陳固列蓐食申禱明日復戰乃逸楚囚欲使王聞之召
子反謀穀陽豎獻飲於子反恐其勞也子反醉而不能見王

內亂不靖况干
外邦

曰天敗楚也夫余不可以待乃宵遁晉入楚軍三日穀

卻至勇而有禮國語

鄢之戰卻至以韎韋之跗注

韎赤色韋熟皮跗注戎服也亦赤色之皮為之自要

以下屬於跗

三逐楚共王卒見王必下奔

下車而奔傳曰免胄而趨風

退

戰王使工尹襄問之以方曰方事之殷有韎韋之跗注

君子也屬見不殺而下無乃傷乎卻至甲冑而見客免

冑而聽命

示飲

曰君之外臣至

卻至晉卿故稱楚之外臣

以寡君之靈

間蒙甲冑不敢當拜

禮介者不拜

君命之辱為使者故敢三

肅之

禮軍事肅拜肅手之地也

君子曰勇以知禮

欒鍼承飲示暇

左傳成公十六年

飲得瀟洒殊有
旨趣

欒鍼見子重

楚令尹

之旌請曰

請於厲公

日臣之使於楚也子

重問晉國之勇臣對曰好以衆整

以整兵爲勇

曰又何如臣

對曰好以暇

以暇爲勇

今兩國治戎行人不使不可謂整臨

事而食言不可謂暇請攝飲焉

致酒於子重

公許之使行人

執榼承飲造于子重曰寡君乏使使鍼御持示

車右主擊刺持

子其職也鍼爲車右故云

是以不得犒從者使某攝飲子重曰夫子

嘗與吾言於楚必是故也不亦識乎

知禮

受而飲之

欒書嫁禍卻至

左傳成公十七年

欒書怨卻至以其不從已而敗楚師也

鄢陵之戰欒書欲固壘卻至言

楚有六間以取勝

欲廢之使楚公子茂

戰鄢陵時晉所囚者

告公

厲公

曰此

戰也。郤至實召寡君。

至嘗使楚

以東師之未至也。

謂齊魯衛

與軍

帥之不具也。

荀蕘佐下軍居守郤雖將新軍乞師

曰：此必敗。吾因奉孫周

悼公名時尚在周

以事君。

楚

公告樂書，書曰：其有焉，不然。豈其

死之不恤而受敵使乎？

鄢陵戰時楚共王使人問至以弓至拜受之

君盍嘗

試使諸周而察之。郤至聘于周，樂書使孫周見之。公使

覘之，信。

果有交通之跡

遂怨郤至，殺之。

魏絳和戎。

左傳襄公四年

無終子嘉父。

無終山戎國子爵嘉父名

使孟樂如晉，因魏莊子。

絳納

虎豹之皮以請和。諸戎晉侯悼曰：我狄無親而貪，不如

伐之。魏絳曰：諸侯新服，陳新來。

和舊屬

將觀於我，我德

則睦否則攜貳勞師於戎而楚伐陳必弗能救是棄陳也諸華必叛戎禽獸也獲戎失華無乃不可乎夏訓有

之曰有窮后羿公曰后羿何如怪其言之不次對曰昔有夏之

方衰也后羿自鉏遷于窮石因夏民以伐夏政羿代相立特

其射也不修民事而淫於原獸棄武羅伯困熊髡左圍

四子皆賢臣而用寒浞寒浞伯明氏之讒子弟也伯明后寒

棄之夷羿收之信而使之以爲己相浞行媚于內宮中而

施賂于外愚弄其民而虞羿于田樂之以遊田樹之詐慝以

取其國家外內咸服詐羿猶不悛將歸自田家衆殺

而烹之以食其子其子不忍食諸死于窮門殺之於國門靡

夏遺臣奔有鬲氏，浞因羿室，生澆及豷，恃其讒慝，詐僞

而不德于民，使澆用師，滅斟灌及斟尋氏，處澆于過處

豷于戈，靡自有鬲氏，收二國之燼，以滅浞而立少康，相

子少康滅澆于過，后杼滅豷于戈，有窮由是遂亡，失人

故也。昔周辛甲之爲大史也，命百官官箴，王闕於虞人

之箴曰：「芒芒禹跡，畫爲九州，經啓九道，民有寢廟，獸有

茂草，各有攸處，德用不擾，人神名有所歸，故德不亂。在帝夷羿，冒

于原獸，忘其國恤，而思其麇牡，武不可重用，不恢于夏

家，羿以好武，雖有夏家不能恢大之。獸臣司原，敢告僕夫，不敢虞箴如

是，可不懲乎？於是晉侯好田，故魏絳反之。公曰：「然則莫如和戎乎？」對

如此一轉意味
發掘流動

去天

曰和戎有五利焉戎狄荐居

聚水草而居

貴貨少士土可

賈焉一也邊鄙不聳

懼

民狎其野穡人成功二也戎狄

事晉四鄰振動諸侯威懷三也以德綏戎師徒不勤甲

兵不頓

懷

四也監于后羿

以羿之好田失國為戒

而用得度

為諸侯度

遠至邇安五也君其圖之公說使魏絳盟諸戎

知瑩伐楚

左傳襄公九年

諸侯伐鄭

從楚故

季武子

宿

齊崔杼宋皇鄭從荀瑩士句

門于剗門衛北宮括曹人邾人從荀偃韓起門于師之

梁滕人薛人從欒黶士魴門于北門杞人邠人從趙武

魏絳斬行栗

表道樹

師于汜令於諸侯曰修器備盛饌糧

歸老幼

示將

居疾于虎牢

使休

肆宵圍鄭

使效

鄭人恐

乃行成中行獻子

荀

曰遂圍之以待楚人之救也而與

之戰不然無成

功無

知武子

瑩

曰許之盟而還師以敝楚

人吾三分四軍與諸侯之銳以逆來者

楚

於我未病楚

不能矣猶愈於戰暴骨以逞不可以爭大勞未艾

息君

子勞心小人勞力先王之制也諸侯皆不欲戰乃許鄭

成

胡氏曰善為國者不師善師者不陣善陣者不戰知

武子明於善陣之法以佐悼公屢與諸侯伐鄭楚轉

救之而不與之戰楚師

遂屈得善勝之道矣

魏絳謀息民

左傳襄公九年

晉侯

悼

歸謀所以息民

以不得

魏絳請施舍

施恩惠

輸

均見事體三分
四軍殊盡駕馭
之道

可見勝人非難

日勝為難

郤瑩此舉何其
武捷

積聚以貸自公以下苟有積者盡出之國無滯積亦無

困人公無禁利亦無貪民祈以幣更不用賓以特牲無盛

饌器用不作仍舊車服從給不求美行之期年國乃有節三

駕一師於牛首一師於鄭東門而楚不能與爭

知瑩克偃陽左傳襄公十年

荀偃士匄請伐偃陽荀瑩曰城小而固勝之不武弗勝

為笑固請圍之弗克諸侯之師久於偃陽荀偃士匄請

於荀瑩曰水潦將降懼不能歸請班師知伯瑩怒授之

以杙出於其間曰女成二事謂伐偃陽欲以封宋向戌而後告余余

恐亂命以不女違女既勤君而興諸侯牽師老夫以至

于此既無武守

無武功可執守

而又欲易余罪移曰是實班師

不然克矣余羸老矣可重任乎

受此責

七日不克必爾乎

取之

取二子以謝罪

荀偃士句帥卒攻偃陽親受矢石滅之

知瑩致怨於鄭

左傳襄公十年

諸侯之師城虎牢

鄭巖邑

而戍之楚子囊

貞

救鄭諸侯之

師還

統也

鄭而南至于陽陵楚師不退知武子

瑩

欲退曰

今我逃楚楚必驕驕則可與戰矣欒黶曰逃楚晉之耻

也合諸侯以益耻不如死我將獨進師遂進與楚師夾

潁而軍子驕

鄭公孫蕞

曰諸侯既有成行

有去志

必不戰矣

無鬪

心從之

服

晉將退不從亦退

諸侯退

既退

楚必圍我猶將

不能禦楚不能
庇鄭甚極事理

家

晉樂不川命
晉是

退也

晉亦退

不如從楚亦以退之

楚退

宵涉頓與楚人盟

晉畏

知

樂廩欲伐鄭師

涉頓者

荀瑩不可曰我實不能禦楚又

不能庇鄭鄭何罪不如致怨焉而還

為後伐之資

今伐其師

楚必救之戰而不克為諸侯笑克不可命

必勝

不如還也

諸侯之師還侵鄭北鄙而歸

欲以致怨

楚人亦還

樂廩違荀偃之令

左傳襄公十四年

諸侯之大夫從晉侯

悼

伐秦以報櫟之役也

秦鮑武嘗敗晉士魴

于濟涇而次秦人毒涇上流師人多死鄭司馬子驕

蜚

帥鄭師以進師皆從之至于械林不獲成焉

秦不

荀偃

令曰鷄鳴而駕塞井夷竈

示不戰

唯余馬首是瞻

進退

樂

駭曰晉國之命未是有也余馬首欲東乃歸下軍從之

左史謂魏莊子絳曰不待中行伯乎荀莊子曰夫子命

從帥欒伯吾帥也吾將從之從帥所以待夫子也命為

待偃伯游字偃曰吾令實過悔之何及多遺秦禽和恐致

敗乃命大還晉人謂之遷延之後

晉人走齊師左傳襄公十八年

晉侯伐齊平公計將濟河獻子荀偃以朱絲繫玉二轂而

禱曰齊環靈公名怙恃其險負其衆庶棄好背盟陵虐神

主民曾臣彪平公名彪稱臣者明將率諸侯以討焉其

官臣偃實先後之苟捷有功無作神羞官臣偃無敢從

志

形容一時甚為
省似文格古雅

濟唯爾有神裁之。沈玉而濟。齊侯。諸平陰。聖防門。

而守之。廣里。夙沙衛曰。不能戰。莫如守險。弗聽。諸侯之。

士門焉。齊人多死。范宣子。士告析文子。子家曰。吾知子。知相

敢匿情乎。魯人莒人皆請以車千乘。自其鄉入。既許之。

矣。若入君必失國。子盍圖之。子家以告公。公恐。晏嬰聞。

之曰。君固無勇。而又聞是。弗能久矣。齊侯登巫山以望。

晉師。晉人使司馬斥山澤之險。設雖所不至。必旆而疏。

陳之。示使乘車者左。實人。以右僞人。以衣為以旆先。前驅輿曳。

柴而從之。揚齊侯見之。畏其眾也。乃脫歸。齊師夜遁。師。

曠告晉侯曰。鳥鳥之聲。樂齊師。其遁。邢伯告中行伯。荀

曰有班馬之聲齊師其遁叔向告晉侯曰城上有烏齊師其遁遂從齊師逐奔

胥梁帶執齊烏餘左傳襄二十六年

齊烏餘大以廩丘奔晉襲衛羊角取之遂襲我高魚取

之又取邑于宋於是范宣子句卒諸侯弗能治也及趙

文子武為政乃卒治之文子言於晉侯平曰晉為盟主

諸侯或相侵也則討而使歸其地今烏餘之邑皆討類

也言此類宜見討而貪之是無以為盟主也請歸之公曰諾孰

可使也對曰胥梁帶能無用師言有權謀晉侯使往胥梁帶

使諸喪邑者具車徒以受地必周密使烏餘具車徒以

受封鳥餘以其衆出使諸侯僞效鳥餘之封者侯齊朱爲

致邑封者而遂執之盡獲之皆取其邑而歸諸侯諸侯是

以睦於晉

○魏舒變車戰法左傳昭公元年

中行穆子荀敗無終戎及羣狄於太原崇卒也將戰魏

舒曰彼徒我車所遇又阨地險不便車以什共車更增十人以當一車

用之必克困諸阨又克請皆卒自我始乃毀車以爲行五

乘爲三五五乘十人今去車更以五人爲伍故分爲三荀吳之嬖人不肯即

卒斬以狗爲五陳以相離不相聯屬進退易也兩於前伍於後專

爲右角參爲左角偏爲前拒兩伍專參偏皆陣名以誘之翟人笑

魏其言也森列
况其陳乎

之未陳而薄之大敗之

趙鞅大獲齊粟

左傳哀公二年

齊人輸范氏粟

范吉射與趙鞅相惡久在朝歌故齊繼之粟

鄭子姚

達

子般

弘駟

送之士吉射逆之趙鞅禦之遇於戚

蒯瞶所居邑

陽虎

時奔

在晉

曰吾車少以兵車之旆與罕駟兵車先陳

先鄭師而結陣

罕

駟自後隨而從之彼見吾貌

車多之狀

必有懼心於是乎會

之必大敗之從之簡子

鞅

誓曰范氏

吉射

中行氏

荀寅

反易

天明斬艾百姓欲擅晉國而滅其君

范中行二子伐定公而敗奔

寡

君恃鄭而保焉今鄭為不道棄君助臣二三子順天明

從君命經德義除詬耻在此行也克敵者上大夫受縣

下大夫受郡士田十萬庶人工商遂得遂人臣隸圉免

去斯役

志父無罪

鞅自叛歸改名志父

君實圖之

圖賞

若有其罪絞縊

以戮桐棺三寸不設屬辟

王棺四重被水牛及兕之革為一重辟為二重屬為三重

大棺為四重君再重屬與辟為一重大棺為再重大夫一重無辟唯屬與大棺為一重今云不設辟者僭也

素車樸馬無入于兆

域

下卿之罰也

將戰郵無恤

良王御

簡子衛太子

肅

為右登鐵上

丘

望見鄭師衆太子懼自

投於車下子良授太子綏而乘之曰婦人也簡子巡列

曰畢萬匹夫也七戰皆獲有馬百乘死於牖下羣子勉

之死不在寇衛太子禱曰曾孫蒯聵敢昭告皇祖文王

烈祖康叔文祖襄公鄭勝

聲公名

亂從

釋君助臣

晉平

定公名

在

難國有不能治亂使鞅討之蒯瞶不敢自佚備持矛焉

戎石主擊刺故持矛敢告無絕筋無折骨無面傷以集大事無作

三祖羞大命不敢請佩玉不敢愛禱以鄭人擊簡子中肩

斃仆于車中獲其蠶旗太子救之以戈鄭師北獲溫太

夫趙羅太子復伐之鄭師大敗獲齊粟千車趙孟喜曰

可矣喜太子前傳僂曰雖克鄭猶有知在言知氏憂未

艾也既戰簡子曰吾伏弋衣嘔血鼓音不衰今日我上

也功上太子曰吾救主於車退敵於下我右之上也鄆良

曰我兩鞅將絕吾能止之我御之上也駕而乘林木小兩

鞅皆絕以明前功汪氏曰鄭之黨叛人固罪也然鞅不

當時誇誕相競
之氣雖審象圖
形殆無以過

善返國權於其君修明政事復興伯業則諸侯畏之范中行將覆亡是懼焉故怙亂今乃納剽賊而見拒於衛遇鄭師而震慄失措既而幸勝且以雋功相與矜夸不思黷武勦民構怨與國以力勝人奚足恃哉

士蔑執戎蠻子

左傳哀公四年

楚人既克夷虎

叛者

乃謀北方單浮餘

大

圍蠻氏蠻氏潰

蠻子亦奔晉陰地司馬

敗

起豐析與狄戎以臨上雒左

師軍於菟和右師軍於倉野使謂陰地之命大夫士蔑

曰晉楚有盟好惡同之

士蔑子罷盟於宋云

若將不廢寡君之願

也不然將通於少習以聽命

少習武關也將大開武關道以伐晉

士蔑請

諸趙孟

鞅

趙孟曰晉國未寧

范中行

安能惡於楚必速

與之士蔑乃至九州之戎

在晉地者

將裂田以與蠻子而城

之且將爲之卜蠻子聽卜遂執之與其五大夫以畀楚

○衛

州吁脩鄭怨

左傳隱公四年

宋殤公之即位也公子馮出奔鄭

宋穆公屬國於弟與夷使其子馮居于鄭

鄭人欲納之及衛州吁立

弒桓公而自立

將修先君之怨於鄭

先是鄭伐衛以討滑之亂

而求寵於諸侯

一列於會不復致討故求之

以和其民

使告於宋曰君若伐鄭以除君害君爲主敝邑以賦與

陳蔡從則衛國之願也宋人許之於是陳蔡方睦於衛

故宋公陳侯蔡人衛人伐鄭圍其東門五日而還

石碏殺州吁及厚

左傳隱公四年

家

確之至此事關
宗社不得不然
宋萬之弑宋人
求賊於陳慶父
之弑魯人求賊
於莒皆責賂而
後與今此陳人
能執州吁而不
匿賊取賂亦賢
於後此陳莒之
爲然陳乃衛桓
之母家而陳侯

州吁未能和其民厚問定君於石子

石子石碯也厚其子也初州吁有寵

於莊公而好兵石厚與州吁游碯禁之不可乃告老至是厚以州吁不安認於父

石子曰王覲

爲可曰何以得覲曰陳桓公

存而稱謚蓋追書之

方有寵於王陳

衛方睦若朝陳使請必可得也厚從州吁如陳石碯使

告于陳曰衛國褊小老夫耄矣無能爲也此二人者實

弑寡君敢即圖之陳人執之而請泣于衛衛人使右宰

酈泣殺州吁于濮石碯使其宰檇羊肩泣殺石厚于陳

君子曰石碯純臣也惡州吁而厚與焉大義滅親其是

之謂乎

真氏曰方莊公之寵州吁也碯能諫之及州吁之篡桓公也碯又能誅之可謂社稷之臣矣

甯莊子託旱以伐邢

左傳宣公十九年

亦親率兵會伐
鄭欲定其位則
今日之善且不
足贖前日之過

衛人伐邢以報菟園之役州常與狄於是衛大旱卜有

事於山川不吉甯莊子速曰昔周饑克殷而年豐今邢

方無道諸侯無伯齊桓方死天其或者欲使衛討邢乎從之

師興而雨呂氏曰昔之善用兵者託於怪神以使其衆

之探籌妖誕不經何足深辨乃若衛之伐邢其所托有

不得不辨者焉衛方欲伐邢無以使其衆甯莊子乃假

天之神借武王之重取衆人之所共信者詬脅其民而

使之戰耳濔沱之濟非果能前知其雨也師適與雨會也逢其

也伐邢之後非果能前知其雨也師適與雨會也逢其

乎子

禮至滅邢勒功左傳僖公二十五年

衛人將伐邢禮至曰不得其守政卿國子也國不可得也我

請昆弟仕焉乃往得仕衛人伐邢二禮從國子巡城掖

以赴外扶以出殺之衛侯燬成公名滅邢禮至為銘曰余掖

殺國子莫余敢止示勇呂氏曰衛禮至行險僥倖戕人而取之國恬不知耻反勒其功於銘

以章示後世禮至之惡因金石而遺臭萬年也

○靈公激民叛晉左傳定公八年

衛侯靈欲叛晉而患諸大夫王孫賈使次于郊大夫問

故公以晉詭語之晉成何與衛侯盟比之溫原且曰寡人辱社稷其

改卜嗣別立君寡人從焉大夫曰是衛之禍豈君之過也

公曰又有患焉謂寡人必以而汝子與大夫之子為質

大夫曰苟有益也公子則往羣臣之子敢不皆負羈綬

以從將行王孫賈曰苟衛國有難來工商未嘗不為患

使皆行而後可其怒公以告大夫乃皆將行之行有日

公朝國人使賈問焉曰若衛叛晉晉五伐我病何如矣

皆曰五伐我猶可以能戰賈曰然則如叛之病而後質

焉何遲之有乃叛晉呂氏曰靈公以晉之侮避位而激

也不屈於此則無以發機於彼也靈公豈素撫循其民

者耶民之所以畢力拒晉者非為靈公也靈公之言適

動其愛君之機而不能已也

蒯瞶欲殺南子

左傳定公十四年

衛侯靈為夫人南子召宋朝宋公子朝舊太子蒯瞶獻

五色于齊過宋野野人歌之曰既定爾蠻豬宋子豬也

以喻盡歸吾艾豨豨豨豨也以南子太子羞之謂戲陽速曰從

而朝少君少君見我我顧乃殺之速曰諾乃朝夫人

夫人見太子太子三顧速不進夫人見其色啼而走曰

荆贖將殺余公執其手以登臺太子奔宋盡逐其黨大

子告人曰戲陽速禍余戲陽速告人曰太子則禍余大

子無道使余殺其母余不許將戕於余若殺夫人將以

余說余是故許而弗為以紓余死諺曰民保於信吾以

信義也以義為信

渾良夫謀廢置

左傳哀公二十五年

孔圉取太子蒯聵之姊生悝孔氏之豎渾良夫長而美

孔文子卒圉死通於內良夫淫太子在戚蒯聵奔晉孔姬

使之焉使良夫至太子與之言曰苟使我入獲國服冕

乘軒三死無與與之盟為請於伯姬良夫與太子入舍

於孔氏之外圃昏及夜二人蒙衣而乘良夫與太子為婦人服而共載寺

人羅御如孔氏孔氏之老樂寧問之稱姻妾以告遂入

適伯姬氏既食孔伯姬杖戈而先太子與五人介被與

豨從之追孔悝於廁強盟之欲令召獲奉衛侯輒來奔

魯孔悝立莊公衛侯莊謂渾良夫曰吾繼先君而不得

其器國之寶器若之何良夫伐執火者屏左而言曰疾

去五

大與亡君輒皆君之子也召之輒而擇材焉可也若不

材器可得也廢之而因得其器豎告大子疾大东使五人輿殺

從已劫公而強盟之且請殺良夫公曰其盟免三死曰

謂三之後有罪殺之公曰諾哉衛侯為虎幄於藉圃成

求令名者而與之始食焉落成大子請使良夫良夫乘東

甸鄉兩牡一轅紫衣狐裘紫衣至桓裘不釋劔而食不敬

大子使牽以退數之以三罪紫以桓裘帶劔而殺之

○鄭

公子突謀勝戎師左傳隱公九年

北戎侵鄭鄭伯莊禦之患戎師曰彼徒我車懼其侵軼

變危在所全信矣

去

三伐鄭而從者僅二國蓋蔡衛陳之仇鄭久矣
隱三年鄭伐衛四年宋陳蔡衛伐鄭十年宋衛入鄭又與蔡人攻戴而鄭復伐

我也公子突曰使勇而無剛者嘗寇而速去之

勇則能往無剛

不耻

君為三覆

兵伏

以待之我輕而不整貪而無親勝不

相讓敗不相救先者見獲必務進進而遇覆必速奔後

者不救則無繼矣乃可以逞從之戎人之前遇覆者奔

祝聃逐之衷戎師

衝擊其中

前後擊之盡殪戎師大奔

公子忽謀禦王師

左傳桓公四年

王桓奪鄭伯

莊

政鄭伯不朝王以諸侯伐鄭鄭伯禦之

王為中軍號公林父將右軍蔡人衛人屬焉周公里肩

將左軍陳人屬焉鄭子元請為左拒以當蔡人衛人為

右拒以當陳人曰陳亂民莫有鬪心若先犯之必奔王

二國桓二年陳鄭雖會于稷蔡鄭雖會于鄧未有成也衛之隙未解也故因王討而行以濟私忿要之只一朝何必親行王之敗績豈非自取

卒顧之必亂蔡衛不枝固將先奔既而萃於王卒可以集事從之曼伯為右拒祭仲足為左拒原繁高渠彌以中軍奉公為魚麗之陳先偏後伍司馬法車戰二十五乘為偏五人為伍伍承彌縫以伍承偏彌縫其闕此蓋魚麗陣法戰于繻葛命二拒曰藩動而鼓視麾動則盡蔡衛陳皆奔王卒亂鄭師合以攻之王卒大敗祝聃射王中肩王亦能軍祝聃請從之公曰君子不欲多上人况敢陵天子乎苟自救也社稷無隕多矣夜鄭伯使祭足勞王且問左右

子展欲堅與晉左傳襄公十一年

鄭人患晉楚之故二國頻年伐鄭諸大夫曰不從晉國幾亡楚

弱於晉晉不吾疾也不爭晉疾楚將辟之何為而使晉

師致死於我楚弗敢敵而後可固與也子展曰與宋為

惡諸侯必至吾從之盟楚師至吾又從之則晉怒甚矣

晉能驟來楚將不能吾乃固與晉大夫說之使疆場之

司惡於宋數侵犯之宋向戌侵鄭大獲子展曰師而伐宋可

矣若我伐宋諸侯之伐我必疾吾乃聽命焉且告於楚

楚師至吾又與之盟而重賂晉師乃免矣免晉楚之難鄭子

展侵宋欲致晉師諸侯伐鄭會于北林師于向右還次于瑣

圍鄭觀兵于南門西濟于濟隧鄭人懼乃行成同盟于

亳楚子囊乞旅于秦秦右大夫詹師師從楚子共將以

古

伐鄭鄭伯

簡

逆之伐宋

鄭復與楚伐宋

諸侯悉師以復伐鄭觀

兵于鄭東門鄭人使王子伯駢行成晉趙武入盟鄭伯

鄭子展出盟晉侯

悼

會于蕭魚

自是楚不敢與晉爭鄭不肯晉者二十四年

子產欲使楚逞

左傳襄公二十六年

楚子

康

伐鄭鄭人將禦之子產曰晉楚將平諸侯將和

楚王是故昧於一來

昧猶貪冒

不如使逞而歸乃易成也夫

小人之性。釁於勇。嗇於禍。以足其性而求名焉者。

言欲與楚

戰者皆釁勇貪名之人

非國家之利也。若何從之。子展說不禦寇。

○宋

公子鮑篡位

左傳文公十六年

公子鮑禮於國人欲結人心宋饑竭其粟而貸之恤民自年七

十以上無不饋詒也時加羞珍異養老無日不數於六卿

之門求寵國之材人無不事也尊賢親自桓以下無不恤也

親公子鮑美而豔襄夫人欲通之而不可以禮自防乃助之

施昭公無道國人奉公子鮑以因夫人夫人將使公田

孟諸而殺之公知之盡以寶行蕩意諸曰盍適諸侯公

曰不能其大夫謂鮑等至于君祖母襄夫人以及國人諸侯

誰納我且既為人君而又為人臣不如死盡以其寶賜

左右而使行昭公將田孟諸未至夫人使帥甸郊甸之兵攻

而殺之文公鮑即位

狂狡倒戟見禽

左傳宣公二年

鄭公子歸生受命于楚伐宋狂狡輅鄭人

迎鄭人入于

井

避之

倒戟而出之

待其出

獲狂狡君子曰失禮違命宜其

為禽也

戎昭

軍制之明

果毅以聽之之謂禮

聽謂常存於耳著於心想聞其

政殺敵為果致果為毅易之

反其為戮也

寺人伊戾誣太子痤

左傳襄公二十六年

平公生佐惡而婉

貌醜而心順

太子痤美而狠合左師

向畏成

而惡之寺人惠牆

氏

伊戾

名為

太子內師而無寵楚客

聘于晉過宋太子知之請野享之公使往伊戾請從之

公曰夫

謂大子

不惡女乎對曰小人之事君子也惡之不

敢遠好之不敢近敬以待命敢有貳心乎縱有共其外

擯

莫共其內

言已不行恐內侍闕職

臣請往也遣之至則飲用牲

加書徵之

詐作盟處為太子及徵

而騁告公曰太子將為亂即與

楚客盟矣公曰為我子又何求對曰欲速公使視之則

信有焉問諸夫人

佐之母

與左師則皆曰固聞之公囚大

子太子曰唯佐也能免我

以其婉也

召而使請曰日中不來

吾知死矣左師聞之聒而與之語過期乃縊而死佐為

太子公徐聞其無罪也乃烹伊戾

真氏曰甚矣宋平公之闇也初伊戾之請

從太子以享客也公固知太子之惡之矣及設詐以陷太子乃信之不疑夫飲牲加書誰不能為平公聞之逆折其姦而戮之上也徐究其妄而罪之次也乃遽用其言以囚太子使不得自立而死太子君之亂也而輕之

若是可乎後雖能烹讒者亦無益矣

寺人柳誣華合比左傳昭公六年

人而不仁疾之已甚亂也佐與

合比之死雖平

公之昏闇厥亦

有由哉

寺人柳有寵大子佐惡之華合比曰我殺之柳聞之乃

坎用牲埋書而告公平曰合比將納亡人之族華正嘗亂宋出

奔陳即盟於北郭矣公使視之有焉遂逐華合比合比奔

衛真氏曰坎牲埋書伊戾以之誣大子痤矣寺人柳又用之以誣華合比焉三尺童子誤聽於前猶必省悟

於後而平公又信之以逐合比區區小數隨用輒驗非為讒者之工乃聽者之不聰也

○陳

韓濤塗復鄭申侯之怨左傳僖公四年五年

齊侯桓以諸侯之師伐楚師退次于召陵齊既與屈完盟將還陳

轅濤塗謂鄭申侯曰師出於陳鄭之間國必甚病若出
於東方觀兵於東夷循海而歸其可也申侯曰善濤塗
以告齊侯許之申侯見曰師老矣若出於東方而遇敵
懼不可用也若出於陳鄭之間其資糧靡草屨其可
也齊侯說與之虎牢執轅濤塗伐陳叔孫戴伯帥師會
諸侯之師侵陳陳成歸轅濤塗陳轅宣仲濤塗字怨鄭申
侯之反已於召陵故勸之城其賜邑曰美城之勸使堅固大
名也子孫不忘吾助子請乃爲之請於諸侯而城之美
遂譖諸鄭伯文曰美城其賜邑將以叛也申侯由是得
罪齊人伐鄭齊桓盟諸侯于首止以定王鄭殺申侯以

說于齊且用陳轅濤塗之譖也

○齊

管仲使反侵地

國語

桓公曰吾欲從事於諸侯其可乎管子對曰未可隣國未吾親也君若欲從事於天下諸侯則親隣國桓公曰若何管子對曰審吾疆場而反其侵地正其封疆無受其資而重爲之皮幣以驟聘覲於諸侯以安四隣則四隣之國親我矣爲游士八十人奉之以車馬衣裘多其資幣使周游於四方以號召天下之賢士皮幣玩好使人鬻之四方以監視其上下之所好玩好物貴則其國奢物賤則其國儉

齊讓而行擇國
而親英氣豪客
足蓋當世

擇其淫亂者而先征之桓公曰吾欲南伐何主主供軍用管

子對曰以魯為主反其侵地堂濬二邑使海於有蔽似海依蔽

渠弭於有渚渠弭裨海也水可居者曰渚環山於有牢牧地桓公曰吾

欲西伐何主管子對曰以衛為主反其侵地臺原姑與

漆里四邑使海於有蔽渠弭於有渚環山於有牢桓公曰

吾欲北伐何主管子對曰以燕為主反其侵地柴夫吠

狗二邑使海於有蔽渠弭於有渚環山於有牢四隣大親

既反侵地正封疆南至於鮑陰西至於濟北至于河東

至於紀鄒有革車八百乘擇天下之甚淫亂者而先征

之

陳乞僞事高國

左傳哀公六年

陳乞僞事高國者

齊景公命高張國夏立庶子荼而出大子陽生故乞欲害之

每朝

必驂乘焉所從必言諸大夫

舉其過

曰彼皆偃蹇

驕驕將棄

子之命皆曰高國得君必偪我盍去諸固將謀子子早

圖之圖之莫如盡滅之需

疑若

事之下也及朝則曰彼虎

狼也見我在子之側殺我無日矣請就之位

欲與諸大夫謀高國

故求就之

又謂諸大夫曰二子者禍矣恃得君而欲謀二三

子曰國之多難貴寵之由盡去之而後君定既成謀矣

盍及其未作也先諸作而後悔亦無及也大夫從之陳

乞鮑牧及諸大夫以甲入于公宮昭子

高張

聞之與惠子

國乘如公公戰于莊六軌敗高國國人追之國夏奔莒

遂及高張來奔陳乞既去高國乃使召公子陽生于魯立之是為悼公尋使朱毛遷孺子荼於

駟未至殺之

○秦

公孫枝定計處晉惠公晉國語讀

秦歲定帥師侵晉晉饑秦輸之粟秦饑晉閉之糴且背輅故侯歲稔侵晉傳作伐至于

韓公惠禦秦師君輯大夫就車君鼓而進之晉師潰戎

馬濘而止泥深遂止於秦為秦所獲穆公歸至于王城合大

夫而謀曰殺晉君與逐出之與以歸與復之孰利公子

繫曰殺之利以為臣逐之恐諸侯交構以歸則國家

○

多慝

恐知國家間隙之惡

復之則君臣合作恐為君憂

之公孫枝曰不可耻大國之士於中原又殺其君以

之子思報父之仇臣思報君之讐雖微秦國天下孰不

患

雖無秦諸侯有害人君父者皆疾之

公子繫曰吾豈將徒殺之吾將以

公子重耳代之晉君之無道莫不聞公子重耳之仁莫

不知戰勝大國武也殺無道而立有道仁也勝無後害

知也公孫枝曰耻一國之士又曰余納有道以臨汝無

乃不可乎若不可必為諸侯笑戰而笑諸侯不可謂武

殺其弟而立其兄是德我而忘其親不可謂仁若勿忘

是再施而不遂也不可謂知君曰然則若何公孫枝曰

事理亦適如此

不若以歸以要晉國之成復其君而質其適子使子父
 伐處秦國可以無害是故歸惠公而質子圉秦始知河
 東之政取其地而置官故知其政

○鄧

三甥欲殺楚文王

左傳莊公六年

鄧使殺楚子楚
 大國也與師而
 來報怨區區之
 鄧能當之乎甚
 矣三甥之無謀
 也鄧之滅于楚
 亦亦有由非三
 甥之言之中

楚文王伐申過鄧鄧祁侯曰吾甥也止而享之驪甥聃
 甥養甥請殺楚子鄧侯弗許三甥曰亡鄧國者必此人
 也若不早圖後君噬臍喻不及其及圖之乎圖之此為時
 矣鄧侯曰人將不食吾餘言為人所賤對曰若不從三臣抑
 社稷實不血食而君焉取餘弗從還年時魯莊公六年楚子伐

鄧十六年

後十

楚復伐鄧滅之

呂氏曰鄧之三甥不知國之有亡繫于我之治

亂及謂繫于楚子之死生汲汲然欲殺之忘內而憂外何其踈也朱氏曰三甥之謀亦愚矣不能使鄧侯自強其國而徒使為戕賊之謀縱使楚文王可得而殺安知後來無滅鄧者邪

○楚

鬬伯比圖隨

左傳桓公六年

武王侵隨使遠章求成焉軍於瑕以待之隨人使少師

董成

主其事

鬬伯比言於楚子曰吾不得志於漢東也我

則使然

楚自失策

我張吾三軍而被吾甲兵以武臨之彼則

懼而協以謀我故難間也漢東之國隨為大隨張

自必

棄小國小國離楚之利也少師侈請羸師以張之熊率

此節事情極為曲折左氏叙之殊盡其妙

且比曰：季梁在何益？鬬伯比曰：以為後圖。少師得其君。

季梁之賢不如少師之寵，當以少師為計。

王毀軍而納少師。少師歸，請追楚

師。隨侯將許之。季梁止之。隨少師有寵。鬬伯比曰：可

矣。讐有釁不可失也。楚子伐隨，軍於漢淮之間。季梁請

下之，弗許。而後戰，所以怒我而怠寇也。少師謂隨侯曰：

必速戰，不然將失楚師。隨侯禦之。望楚師，季梁曰：楚人

上左。

精兵在

君必左，無與王遇。且攻其右，右無良焉，必敗。

偏敗眾乃攜矣。少師曰：不當王，非敵也。弗從。戰于速杞。

隨師敗績。隨侯逸，聞丹獲其戎車與其戎。右少師

時少師為

隨及楚平。楚子將不許。鬬伯比曰：天去其疾矣。

謂少師

古

隨未可克也乃盟而還

呂氏曰嘗考伯比之謀既假幾軍之詐而中少師之欲復假少

師之請而激季梁之諫復假季梁之重而致隨侯之懼復假隨侯之止而增少師之慙復假少師之寵而沮季梁之策置毫末之毒於少師之心而一國君臣展轉薰染自勝自負自起自仆自予自奪如輪如機不得少息吾端坐拱手不動聲色而徐制其弊焉雖事往迹陳書之簡牘讀者猶不知其端倪況於當時自墜其網者乎

○關廉敗鄭師

左傳桓公十一年

已讀

屈瑕將盟貳軫

二鄭人

軍於蒲騷將與隨絞州蓼

四國伐

楚師莫敖患之

屈瑕為莫敖之官

關廉曰鄭人軍其郊必不誠

備且曰虞四邑之至也

君次於郊郢以禦四邑我以銳

師宵加於鄭鄭有虞心

方度四國之來而不疑楚至

而恃其城

走保

莫有闕志若敗鄭師四邑必離莫敖曰盍請濟師於王

楚師乃成圖
之謂

十卷

八

武王革車三百兩
虎賁三千人以伐

對曰師克在和不在衆商周之不敵武王革車三百兩虎賁三千人以伐
紂君之所聞也成軍以出又何濟焉莫敖曰卜之對曰
卜以決疑不疑何卜遂敗鄭師于蒲騷卒盟而還盟貳軫

屈瑕勝絞

左傳桓公十二年

楚伐絞軍其南門莫敖屈瑕曰絞小而輕輕則寡謀請
無扞采樵者以誘之從之絞人獲三十人楚采樵者明日絞
人爭出驅楚役徒於山中楚人坐其北門守其歸路而覆諸
山下伏大敗之爲城下之盟而還

屈瑕以自用敗

左傳桓公十三年

已讀

屈瑕伐羅闞伯比送之還謂其御曰莫敖必敗舉趾高

左

謀者有刑此屈
瑕之所以敗

心不固矣遂見楚子

武

曰必濟師

欲益師恐其敗也

楚子辭焉

入告夫人鄧曼鄧曼曰大夫其非衆之謂其謂君撫小

民以信訓諸司以德而威莫敖以刑也莫敖狃於蒲騷

之後

取嘗用鬪廉計敗節於蒲騷

將自用也必小羅君若不鎮撫其

不設備乎

言取必以無備取敗

夫固謂君訓衆而好鎮撫之召諸

司而勸之以令德見莫敖而告諸天之不假易也

與瑕言天

不假借於輕易之人欲其敬也

不然夫豈不知楚師之盡行也楚子使

賴人追之不及莫敖使徇于師曰諫者有刑及鄢亂次

以濟遂無次

不整行伍

且不設備及羅羅與盧戎兩軍之

夾攻

大敗之莫敖縊于荒谷

呂氏曰屈瑕之禍鄧曼歸之蒲騷吾以爲成屈瑕之禍者在絞

知

竟從所料

而不在蒲騷方伐絞之初屈瑕雖欲自用尚未敢自信也苟又挫於絞人必謂昔以用人言而勝今以自用而敗將益求其所未至不敢以兵為戲矣彼既見其謀之驗忘其幸而矜其能心口相語疇昔蒲騷之勝借曰闕廉之謀今采樵誘敵之策豈亦闕廉教我乎此所以堅其自用之意而趣其荒谷之縊也

薦賈謀伐庸

左傳文公十六年

已讀

楚人饑庸人帥羣蠻以叛楚麇人帥百濮聚于選地將

伐楚於是申息之北門不啓國中楚人謀徙於阪高薦

賈曰不可我能往寇亦能往不如伐庸夫麇與百濮謂

我饑不能師故伐我也若我出師必懼而歸百濮離是

將各走其邑誰暇謀人乃出師旬有五日百濮乃罷自

廬以往伐振廩同食卒下次于句瀝使廬戢黎侵庸及

庸方城庸人逐之囚子楊窓三宿而逸曰庸師

聚焉不如復大師句遂且起王卒合品後進師叔清曰

不可姑又與之遇以驕之彼驕我怒而後可克先君蚡

冒所以服陁隰也又與之遇七遇皆北庸人曰楚不足

與戰矣遂不設備楚子數乘驛會師于臨品分為二隊

子越自石溪子貝自仞以伐庸秦人巴人從楚師羣蠻

從楚子盟遂滅庸呂氏曰或曰楚之是役有廬戰黎之

越子貝之旅合衆智萃衆力用集大勛豈專爲賈之功

歟曰有張良以決鴻溝之追則參勃信布之徒不可勝

用也有邳彤以決河北之莊則奔異漢恂之徒不可勝

用也天下患無張良不患無參勃信布患無邳彤不患

無奔異漢恂當楚人策畫未定之際使無爲賈之一言

退自竄於坂高之虛則雖有數子之智勇不過崎嶇草

戰之之中而又
跌石

莽間其有匹夫之決者不過先狗馬填溝壑耳賈也倡
言於庭扶楚國傾什之勢而起之徧國中勃有生意淬
戈厲刃惟恐見敵之晚雖
無數子豈無能辨此者哉

巫臣竊夏姬

左傳成公二年

楚之討陳夏氏也

以夏徵舒殺君故

莊王欲納夏姬申公巫臣

曰不可君召諸侯以討罪也今納夏姬貪其色也貪色

為淫淫為大罰周書曰明德慎罰文王所以造周也明

德務崇之之謂也慎罰務去之之謂也若興諸侯以取

大罰非慎之也君其圖之王乃止子反

側

欲取之巫臣

曰是不祥人也是天子蠻

鄭靈公字子蠻夏姬之兄也遇弑無後

殺御叔

夏姬之夫亦早死

弑靈侯

陳侯通于夏姬為徵舒所弑

戮夏南

夏姬子徵舒為莊王所

出孔儀

孔寧儀行父洋于夏姬奔楚

喪陳國

楚縣陳以討夏氏之亂

何不祥如

是。人。生。實。難。其。有。不。獲。死。乎。

無為取夏姬以速死

天下多美婦人

何必是子反乃止王以予連尹襄老襄老死於邲

戰于楚

邲知莊子射殺襄老

不獲其尸

知莊子載其尸以歸

其子黑要烝焉

上注於夏姬

巫臣使道焉曰歸

道意於姬使歸鄭

吾聘女又使自鄭召之

許

鄭來召姬

曰尸可得也必來逆之姬以告王王問諸屈巫

臣

對曰其信知瑩之父

荀首

成公之嬖也而中行伯父林之季

弟也新佐中軍而善鄭皇戌甚愛此子

知瑩

其必因鄭而

歸王子

臣

與襄老之尸以求之鄭人懼於邲之後而欲

求媚於晉其必許之

邲之戰楚囚知瑩晉囚穀臣射殺襄老故欲以穀臣襄老尸易瑩

王遣夏姬歸將行謂送者曰不得尸吾不反矣巫臣聘
 諸鄭鄭伯襄許之及其王即位將為楊橋之後魯代使屈
 巫聘于齊且告師期巫臣盡室以行申叔跪從其父將
 適郢遇之曰異哉夫子有三軍之懼而又有桑中之喜
 宜將竊妻以逃者也及鄭使介反幣而以夏姬行遂奔
 晉

巫臣復子重子反之怨

左傳成公十年

讀

楚圍宋之後

以殺申舟故

師還子重

嬰

請取於申呂以為賞

田自王共

許之申公

巫臣曰不可此申呂所以邑也是

以為賦以御北方若取之是無申呂也晉鄭必至於漢

去

二人之怨巫臣
 齊人其王即位
 怨之何至亡族
 分至之慘巫臣
 不復計也

王乃止子重是以怨巫臣子反欲取夏姬巫臣止之遂

取以行

晉奔

子反亦怨之及共王即位子重子反殺巫臣

之族而分其室巫臣自晉遺二子書曰爾以讒慝貪憚

事君而多殺不辜余必使爾罷於奔命以死巫臣請使

於吳晉侯許之吳子壽夢說之乃通吳于晉以兩之一

卒適吳舍偏兩之一焉

可馬法百人爲卒二十五人爲兩車九乘爲小偏十五乘爲大

偏巫臣蓋以一卒百人使吳留少偏九乘車及一兩二十五人令吳習之

與其射御教吳乘

車教之戰陳

射御乘車戰陳皆吳所未有者故教之

教之叛楚寘其子狐

庸焉使爲行人於吳吳始伐楚伐巢伐徐子重奔命

之救

馬陵之會吳入州來子重自鄭奔命子重子反於是乎

其不危

一歲七奔命蠻夷屬於楚者吳盡取之

養由基敗吳師

左傳襄公十三年

吳侵楚養由基奔命子庚以師繼之養叔曰吳乘我喪

時皆士卒

謂我不能師也必易我而不戒子爲三覆以待

我我請誘之子庚從之戰于庸浦大敗吳師

子彊敗吳師

左傳襄公二十五年

舒鳩人叛楚令尹子木

屈建

伐之及離城吳人救之子木

遽以右師先子彊息桓子捷子駢子孟帥左師以退吳

人居其間七日子彊曰久將墊隘隘乃禽也

慮有水雨爲吳所獲

不如速戰請以其私卒誘之簡師陳以待我我克則進

何故去之無極對曰臣豈不欲吳吳然而前知其為人

之異也

多權謀

吳在蔡蔡必速飛去吳所以翦其翼也

胡氏

曰無極楚之讒人也去朝吳出蔡侯未喪太子建殺連尹奢屏王耳目使不聰明卒使吳師入郢辱及宗廟讒人爲亂可不畏乎朝吳以名利累其心而莫知覺不智亦甚矣

王子勝圖遷許

左傳昭公十八年

左尹王子勝言於楚子

平

曰許於鄭仇敵也而居楚地

以不禮於鄭

恃楚

晉鄭方睦鄭若伐許而晉助之楚喪地

矣君盍遷許許不專於楚鄭方有令政許曰余舊國也

鄭曰余俘邑也

鄭嘗滅許而復存之

葉在楚國方城外之蔽也土

不可易國不可小許不可俘讐不可啓君其圖之楚子

說使王子勝遷許於析

費無極喪太子建殺伍奢

左傳昭公十九年

楚子

平

生太子建使伍奢爲之師費無極爲少師無寵

焉欲譖諸王曰建可室矣王爲之聘於秦無極與逆

預逆

事勸王取之

爲夫

費無極言於楚子曰晉之伯也邇於

諸夏而楚辟陋故弗能與爭若大城城父而寘太子焉

以通北方王叔南方是得天下也王說從之故太子建

居于城父費無極言於楚子曰建與伍奢將以方城之

外叛自以爲猶宋鄭也齊晉又交輔之將以害楚其事

集矣王信之問伍奢伍奢對曰君一過多矣

謂納建妻

何信

左

其態
吾與雅重曲盡

奔則亦視之

若奔則視其形勢以救助

乃可以免不然必為吳所從

之五人以其私卒先擊吳師吳師奔登山以望見楚師

不繼復逐之傳諸其軍

吳逐楚子彌五人至其軍

簡師會之

楚合

吳

師大敗遂圍舒鳩舒鳩潰楚滅舒鳩

共王埋璧

左傳昭公十三年

共王無冢適有寵子五人

熊昭熊虔比黑肱負其

無適立焉

未定乃

大有事于羣望

星辰山川之神

而祈曰請神擇於五人者使主

社稷乃徧以璧見於羣望曰當璧而拜者神所立也誰

敢違之既乃與巴姬密埋璧於大室之庭使五人齊而

長入拜

既齊而以長幼次序入

康王跨之

熊昭靈玉肱加焉

熊子于虔

子皙皆遠之

比黑

平王弱

疾

抱而入再拜皆厭紐

埋時微露

紐以為識蓋屬意於棄疾也

鬬韋龜屬成然焉

以其子託之

且曰棄禮

謂

於神棄立長之禮

違命

謂立康王違當璧之命

楚其危哉

費無極去蔡朝吳

左傳昭公十五年

費無極害朝吳之在蔡也

朝吳故蔡大夫楚虔滅蔡朝吳從棄疾既而棄疾篡立復

封蔡使居舊國故無極疾之

欲去之乃謂之曰王

平

唯信子故處子

於蔡子亦長矣而在下位辱

耻

必求之吾助子請又謂

其上之人曰王唯信吳故處諸蔡二三子莫之如也而

在其上不亦難乎弗圖必及於難蔡人逐朝吳朝吳出

奔鄭王怒曰余唯信吳故寘諸蔡且微吳吾不及此女

於王執伍奢使城父司馬殺太子未至而使

之太子建奔宋無極曰奢之子材若在吳必憂楚國

貽楚憂盍以免其父召之彼仁必來不然將為患王使召

之曰來吾免而父伍尚歸楚人皆殺之伍員奔吳率復父仇

費無極出蔡侯朱

左傳昭公二十一年

費無極取貨於東國蔡隱太子有之子平侯而謂蔡人

曰朱不用命於楚君王將立東國若不先從王欲楚必

圍蔡蔡人懼出朱而立東國朱剋于楚楚子將討蔡無

極曰平侯與楚有盟平王為蔡公時與于干子暫盟故

封其子有二心故廢之靈王殺隱太子滅蔡執世子其

子與君同惡平侯與公子比殺靈王德君必甚又使立之不亦可

乎且廢置在君蔡無他矣

○費無極陷卻宛左傳昭公二十七年

卻宛直而和國人說之駟將師為右領與費無極比而

惡之令尹子常囊瓦賄而信讒無極譖卻宛焉謂子常曰

子惡字宛欲飲子酒又謂子惡令尹欲飲酒於子氏子惡

曰我賤人也不足以辱令尹令尹將必來辱為惠已甚

吾無以酬之若何無極曰令尹好甲兵子出之有所吾擇

焉取五甲五兵曰實諸門令尹至必觀之而從以酬之

及饗曰惟諸門左藏其甲兵無極謂令尹曰吾幾禍子子惡

歷觀無極可謂
讒惡之魁然聽
其言者皆不能
加察而俱墮其
計中何也

將為子不利甲在門矣子必無往且此役也楚平王卒

伐之圍潛令尹子常左尹吳可以得志子惡取賂焉而

還又誤羣帥使退其師曰乘亂不祥吳乘我喪我乘其

亂不亦可乎令尹使視郤氏則有甲焉不往召鄢將師

而告之將師退遂令攻郤氏且焚之子惡聞之遂自殺

也盡滅郤氏之族黨真氏曰無極之陷郤死也豈不寃

欲就郤氏以飲也鑿空造端締怨梯禍即勸以甲兵獻

子常又從而讓之惟兵在門有實可驗子常安得而不

信諸三族無罪而誅由無極一言以陷之也嗚呼酷哉可恨極矣

○吳

公子光復取餘皇

左傳昭公十七年

去

吳伐楚戰于長岸子魚先死楚馬公子魴楚師繼之

大敗吳師獲其乘舟餘皇舟名使隨人與後至者守之環

而斬之及泉盈其隧炭置火溝陳以待命吳公子光請

於其衆曰喪先王之乘舟豈唯光之罪衆亦有焉請藉

取之借衆以救死衆許之使長鬣者三人潛伏於舟側

曰我呼餘皇則對師夜從之三呼皆迭對楚人從而殺

之楚師亂吳人大敗之取餘皇以歸

公子光雞父之捷左傳昭公二十二年讀

吳人伐州來楚楚越帥師及諸侯之師頓胡沈奔命救

州來令尹子取以疾從我吳人禦諸鍾離子瑕卒疾不起

故遂越攝兵事

觀暴而動楚之
誠多矣

楚師燔

吳楚之間謂火滅為燔蓋元帥亡軍無氣焰也

吳公子光曰諸侯從於

楚者衆而皆小國也畏楚而不獲已是以來吾聞之曰

作事威克其愛

軍事以威甚受雖小必濟胡沈之君幼而狂陳

大夫鬻壯而頑頗與許蔡疾楚政楚令尹死其師燔帥

賤

謂遠越非卿

多寵

軍中多寵人

政令不一七國同役而不同心

帥賤而不能整無大威命楚可敗也若分師先以犯胡

沈與陳必先奔三國敗諸侯之師乃搖心矣諸侯垂亂

楚必大奔請先者去備薄威

示以不整而誘之

後者敦陳整旅

待

吳子

王僚

從之戊辰晦

兵忌晦其用此日蓋出楚所不意

戰于雞父吳

子以罪人三千先犯胡沈與陳三國爭之吳為三軍以

志

繫於後中軍從王光帥右掩餘帥左吳之罪人或奔或
止三國亂吳師擊之三國敗獲胡沈之君及陳大夫舍
胡沈之囚使奔許與蔡頓曰吾軍死矣師譟而從之三
國奔楚師大奔

伍員肆楚

左傳昭公三十年

讀

吳子盧問於伍員曰初而言伐楚

員自楚奔吳時言伐楚之利於王僚公子

光曰是宗為戮而欲反其讐不可從也

余知其可也文法而恐其使余往也任

其又惡人之有余之功也恐奪其功

今余將自有之矣伐楚

何如對曰楚執政衆而乖

異莫適任患若為三師以肆

焉

更出迭入一師至彼必皆出彼出則歸彼歸則出楚

不如多方以誤
一句此真非特
伐楚凡二代以
下之取勝者未
有不止斯者矣

必道敝疲於往來亟肄以罷之多方以誤之既罷而後以三
軍繼之必大克之闔廬從之楚於是乎始病

闔廬柏舉之捷左傳定公四年

蔡侯吳子唐侯伐楚蔡昭侯有佩裘唐成公有肅爽馬

歸請師于吳吳王闔廬大宰嚭舍舟于淮汭吳東舟從

行人伍員方謀楚故起師伐之而舍自豫章與楚夾漢左司馬戌謂子常嚭曰子公漢

而與之上下勿渡我悉方城外以毀其舟還塞大隧

直轄冥阨三路皆漢東之隘故欲塞之子濟漢而伐之我自後擊之

必大敗之既謀而行武城黑謂子常曰吳用木也我用

革也不可久也不如速戰史皇謂子常楚人惡子而好

司馬君司馬駿吳舟於淮塞城口而入是獨克吳也子
必速戰不然不免乃濟漢而陳自小別至于大別三戰
子常知不可欲奔史皇曰安求其事難而逃之將何所
入子必死之初罪必盡說致死可以免貪二師陳于柏
舉闔廬之弟夫槩王晨請於闔廬曰楚无仁其臣莫
有死志先伐之其卒必奔而後大師繼之必克弗許夫
槩王曰所謂臣義而行不待命者其此之謂也今日我
死楚可入也以其屬五千先擊子常之卒子常之卒奔
楚師亂吳師大敗之子常奔鄭史皇以其乘廣死吳從
楚師及清發將擊之夫槩王曰困獸猶鬪况人乎若知

不免而致死必敗我若使先濟者知免後者慕之及有
鬪心矣半濟而後可擊也從之又敗之五戰及郢于
取其妹季芊畀我以出奔隨吳入郢以班處宮公羊曰君舍于君之
室大夫舍于大夫之室穀梁曰壞宗廟徙陳器捷平王
之墓胡氏曰吳能救蔡敗楚成伯討之功善矣伐國者
固將拯民於水火之中而鳩集之耳殺其父兄係其子
弟毀其宗廟遷其重器而亂男女之配也如水益深如
火益熱則善小而惡大功不足以掩之矣家氏曰使其
入郢之後止兵休掠命蔡昭子胥之徒分定楚地撫輯
其民人請命于周明正楚罪削而奪之以其地封有功
諸侯而吳不自以為有則伯業可成雖以繼桓文可也
而夷狄之人志不在大驕心
易生故敗不旋踵良可惜矣

王孫雄決計長晉

國語

吳晉爭長未成

吳王夫差晉定公為黃池之會將盟爭
軟之先後吳人曰於周室我為長晉人

曰於諸侯我為伯邊遽乃至以越亂時越王句踐率師吳王

懼乃合大夫而謀曰越為不道背其齊盟今吾道路悠

遠無會而歸與會而先晉孰利王孫雄曰夫危事不齒

不以年次雄敢先對二者莫利無會而歸越聞章矣民懼而

走遠無正就從適齊宋徐夷曰吳既敗矣將夾溝而廢我

旁擊我無生命矣會而先晉晉既執諸侯之柄以臨我

將成其志以見天子以侯伯之禮見天子吾須之不能不能待去

之不忍若越聞愈章吾民恐畔必會而先之使吳先軟王乃

步就王孫雄曰先之圖之將若何王孫雄曰王其無疑

吾道路悠遠必無有二命焉可以濟事欲決一計王孫求先晉

雄進顧揖諸大夫曰危事不可以為安死事不可以為

生則無為貴知矣

言人不能以危易安以死易生則何貴於知

民之惡死而

欲貴富以長沒也

謂老

與我同雖然彼近其國有遷退

我絕慮而無遷

道遠也

彼豈能與我行此危事也哉

晉不能以

死事君勇謀於此用之今夕必挑戰以廣民心請王厲

士以奮其朋勢勸之以高位重畜備刑戮以辱其不厲

者令各輕其死彼將不戰而先我我既執諸侯之柄以

歲之不獲也無有誅焉

不責諸侯之貢賦

而先罷之

遣諸侯令歸

諸

侯必說既而皆入其地王安挺志

挺寬也

一日惕

疾

一日

留

徐以安步王志

安必設

許

以此民也封於江淮之間

乃能至於吳吳王許諾

於是秣馬食士服兵擐甲以挑戰晉師大駭令董褐請事責以

僭王乃就幕而會吳

公先軟晉侯亞之

○越

勾踐攜李之捷

左傳定公十四年

吳伐越越子勾踐禦之陳于攜李勾踐患吳之整也使

死士再禽焉

使敢死之士往亂其陳兩為吳人所禽

不動

吳陳使罪人三

行屬斂於頸而辭曰二軍有治

治兵

臣奸旗鼓

元不敏於

君之行前不敢逃刑敢歸死遂自剄也師屬之目越子

因而伐之大敗之靈姑浮以戈擊闔廬闔廬傷將持

足大

指取其一屨還卒於陘夫差使人立於庭荷出入必謂

○

吳方晏安得志
及其亡而不悟
也

古○

已曰夫差而忘越王之終而父乎則對曰唯不敢忘三
年乃報越

勾踐謀伐吳國語

王

勾踐

召范蠡而問焉

吳報越敗之于夫椒越王棲于會稽使大夫種行成既歸而謀之

曰先人

允常

就世不穀即位吾年既少未有恒常出則禽

荒入則酒荒吾百姓之不圖唯舟與車

好游田

上天降禍

於越委制於吳吳人之那

於

不穀亦又甚焉

見吾欲與

子謀之其可乎范蠡對曰未可也蠡聞之上帝不考時

反是守

考成也言天未成越當守天時天時沒乃可以動也

疆索者不祥得時不

成反受其殃失德滅名

不流

走死亡有奪有予有不予

言天意如此王無蚤圖夫吳君王之吳也王若蚤圖之其事

又將未可知也王曰諾又一年王召范蠡而問焉曰吾

與子謀吳子曰未可也今吳王淫於樂聲而忘其百姓

亂民功逆天時信讒喜優俳憎輔相道遠弼矯過聖人

不出忠臣解骨倦皆曲相御曲意莫適相非上下相偷

苟其可乎范蠡對曰人事至矣天應未也王姑待之王

曰諾又一年王召范蠡而問焉曰吾與子謀吳子曰未

可也今申胥驟諫其王王怒而殺之其可乎范蠡對曰

逆節萌生天地未形言無災異而先爲之征其事是以不成

雜俱受其刑王姑待之王曰諾又一年王召范蠡而問

所以窺吳與所以自處計深慮秘蓋必極其俱敗之勢而後乘之然後可以無

焉曰吳與子謀吳子曰未可也今其稻蟹不遺種言蟹食稻

其可乎范蠡對曰天應至矣人事未盡也

謂饑困愁怨之事未極

王姑待之王怒曰道固然乎妄其欺不穀邪吾與子言人事子應我以天時今天應至矣子應我以人事何也

范蠡對曰王姑勿怪夫人人事必將與天地相參然後乃

可以成功今其禍新民恐其君臣上下皆知其資財之

不足以支長父也彼將同其力致其死猶尚殆言伐吳於事尚

危王其且馳騁弋獵無至禽荒使越王為此示不以吳為念也宮中之

樂無至酒荒肆與大夫觴飲無忘國常舊法彼其上將薄

其德民將盡其力言吳見越如此不以為意必不又使脩德而縱私好以盡民力也

之望而不得食怨望於上而天又奪之食也乃可以致天地之殛王

姑待之至於玄月爾雅曰九月為玄王召范蠡而問焉曰諺有

之曰觥飯不及壺殮謂盛饌未具不及壺殮之能救今

歲晚矣子將奈何范蠡對曰微君王之言臣故將謂之

謂伐吳臣聞從時者猶救火追亡人也蹶而趨之唯恐弗

及王曰諾遂興師伐吳滅之

左粹類纂卷之七

